



重刊黃文獻公文集序



文者道之著也。道之傳也。道待人而行待文而著。斯明。斯傳。斯形。通否則晦矣。塞矣。文在可少乎哉。吾知金華黃文獻公。其發柳文。而公均。以文名于時。之稱。矣。抑如唐退之。

之於子厚也蓋公生長何王宜許四  
君子道學之紀曰向向學之正傳曰  
仁山白雲二先生程及先哲故至以  
為討文意完而學竟事洋之詞教一  
根諸理以羽翼信先之緒論志如乘  
帛之可衣食而亦可缺非彫繪枝蔓

如珊瑚木難之悅美觀也子之學  
一傳之曰宋公潛溪王公華川每傳  
而得方公通志宋公文行顯王公以  
忠等義恤為古名臣咸大禔於治  
教其源流等所見矣豈特文辭之乎  
子色後學侍御虞忠惟明素慕子之

同趣者深懼刊集淫沒嘗以迪後進  
親見之始乃購舊本以屬予者編以  
檢何人到克當乞任顧一念向道  
志不敢不勉竊祿賢邦深以未得顧  
要為憂竊又獲親刊集之曰見公所  
誌白雲先生墓誌欵雅精且庸古道

之不外乞也何事如以本頗缺生  
且後載其一時保存異端一札其然  
非公意也余之求以善本及予可為  
筆記一編稍加刪定付建瓯尹沈登  
陳珪重梓以傳庶或傳流老悛笑泚  
之生也心亦小者儉者友一助也

嘉靖十年歲次辛卯春上白吉後

學僊居圭山張儉拜書



重刊黃文獻公文集目錄

卷之一

五言古詩 七十五首

律詩 六十二首

絕句詩 四首

卷之二

七言古詩 二十八首

律詩 一百二十九首

絕句詩 四十四首

卷之三

賦 二首

贊 六首

騷 一首

答問 一首

策問 六首

策題 一首

雜著 四首

勸農文 一首

樂章 一首

祭文 二首

祝文 九首

表 十首

牋 三首

箋 一首

公文 一首

啓 三首

書 一首

傳 四首

行述 一首

制 二首

箴 一首

行狀 一首

辭 一首

卷之四

題跋 八十九首

跋 三十首

卷之五

序 二十八首

卷之六

序 二十八首

卷之七

記 五十六首

筆記 三首

附錄 三首

卷之八

卷之八 墓記 四首

銘 九首

墓誌銘 三十一首

卷之九

墓誌銘 三十六首

卷之十

碑文 一首

廟碑 二首

神道碑 十一首

墓碑 四首

墓碣 三首

墓表 五首

重刊黃文獻公文集目錄終

重刊黃文獻公文集卷之一

門人宋 濂 輯

後學虞守愚校刊

五言古詩

後學張 儉編次

襍詩五首

日月東西行群動亦不息寄身萬物中寧獨謙茲俛所以魯中叟遑遑走南北聖哲諒已然旅人能久安晨起步南園旭日朗以清葵花眾草中曄曄數丹榮流光非汝私獨爾心自傾覽物有深懷竚立方含情璞玉與寶劍淪落初未偶君看被湔拔各在千年後將

身比金石誰當獨長久悠悠百代下相知復何有  
孤雲澹無心出山偶爲雨長風忽吹散渺渺歸無處唯  
餘向來山突兀青如故慄哉魯仲連功成身已去  
春風著萬物欣欣皆自私可憐兒女花榮悴更相持獨  
有澗底松偃蹇如不知何疑楊執戟草玄鬢若絲

效古五首

上山見明月下山月相隨月豈知愛我我行自見之故  
山日已遠故人不可思殷勤謝明月願爾無時虧  
女美衆所悅士窮世所輕輕重安足言泥盡水自清淮  
陰初寄食曲腰跨下行季子黃金多妻嫂來相迎自古  
已復然歎息空吞聲

擊石乃有火石火光不揚攀夫亦有路天高路何長嗟  
峨萬古雲下覆歌哭場富貴誠足多貧賤不可忘  
落花隨風吹各自東西飛花飛既不息水流復無極同  
生不同歸能勿異顏色木生則有枝豹死則有皮悠悠  
岐路間多言亦奚爲  
飲酒莫盡醉盡醉無餘懽讀書莫弔古弔古多悲酸蕭  
艾蔽中野白露摧芳蘭鳳飢不得死鷓鴣食琅玕去去  
復去去采芝青雲端

人事如草木



人事如草木一氣榮悴之外物何預人而真喜與悲堂  
堂異姓王昔者跨下兒窮通本邂逅達者固不疑阮生  
亦隘人慟哭真奚爲

煌煌明月珠

煌煌明月珠未害居濁水君看黃河黃豈解汚清濟我  
方遺吾形寵辱齊一指懸知破琴戴未若搯謁禰

微雲翳白日

微雲翳白日群動何喧喧嗚呼麒麟兒化爲猴與猿登  
高望四荒但見黃河奔誰哉沂其流與我歸崑崙菱鞋  
青桂花霜霰日已繁豈不有桃李對之有忘言

古意

荆人物得玉所足辭巖阿持獻萬乘君君門正嗟峨誰  
其尸國工謀以石見訶迷邦誠不忍欺君反同科臣口  
不自明臣心終靡它抱璞重再拜呼天淚滂沱淚盡血  
可續主在良已多是事古則然嗚呼今奈何

連雨襍書五首

蕭蕭十日雨出門竟何之不愁道路難所懼沾我衣悠  
悠看屋梁作計誠已非有酒不解飲且遂哦吾詩  
昔慕栗里翁頗復志耕耘偶入翰墨場把筆學爲文偃  
蹇獨何成喧啾浪云云念彼荷蓑子窮年愧其勤

虛堂坐無言  
繾綣悲宿昔  
常時眼中人  
已如不相識  
剥琢者誰子  
令我喜折屐  
忽去已莫追  
一咲岸玄憤  
我思仇山人  
山川莽回互  
十書九不到  
木葉歲頻暮  
頗聞近移居  
併失夢中路  
得無挈妻兒  
倒載入山去  
今日曷不樂  
孤倡無與酬  
兀坐把書卷  
展玩不自休  
借問誰所爲  
其人已千秋  
山雨政可聽  
撥書置床頭

晚晴

洩雲散積雨  
林水含餘清  
披衣有竒懷  
偶從林叟行  
新晴遠峰麗  
夕陰孤花明  
曠日固所虞  
聊茲息營營

夜歸

空山四寥寥  
落日翳榛莽  
蜿蜒草中徑  
躡屩度寒雨  
楠杉竊深黑  
忽忽疑伏虎  
林窮澗水明  
稍聽歸人語

陪諸老夜飲

世故不可料  
忽若浮雲移  
坐令百年內  
顛倒殊歡悲  
顧惟我與公  
異代同一時  
覽古旣深慨  
撫今亦餘噫  
長川去悠悠  
青山莫委蛇  
向來遠遊意  
我行方遲遲  
咄哉有志士  
卒歲恒寒飢  
况復託渺茫  
欲與千載期  
盈虛信天運  
廢興豈人爲  
願公姑舍是  
一觴聊可持

讀忠簡宗公遺事

公初起滄陽  
艱危屬多壘  
倉然國家意  
委身干戈裏  
陰

一八黃真乃身卷之一 四 三百七十一  
颺卷翠華朔雪被南紀悠悠虞淵日力盡揮不止寅恭  
秉齋鉞際會開朱邱長安付馮異漢業中興始宮庭數  
汛掃蹕路無荆杞疚心望鑿輿感激涕如水上方出  
師嗚呼孔明死宴安不可懷肉食母乃鄙巨舟竟未焚  
三語猶在耳蕭然舊祠下碧草垂堦祀登堂挹光儀赤  
烏仍几几千載墮淚碑一夫敢殘毀傳家有遺書叙事  
非虛美勗哉慎失墜庶以裨信史

曉行湖上

曉行重湖上旭日青林半霧露寒未除鳧鷖靜初散  
綠際餘景閃倏多遺玩會心乍有得撫已還成嘆夙予  
丹霞約夕茲芳洲畔獨往願易遠離居歲方換沙暄芷  
芽動春遠川華亂存期乃寂寞取適豈爛漫小隱倘是  
招漁樵共昏旦

西峴峰

層雲抱春岑急瀨洩嵌竇脩蹊入窈窕衆綠蔚以茂名  
亭標水樂柱折荒碑什幽尋得緇廬亂石扶結構青精  
午堪飯碧澗寒可漱平生慕真賞及此成邂逅冥探指  
絕頂有路忽通透緣羅度蒙密翠氣濕衣袖寄身次寥  
內下睨人寰陋清謳雜風竹大嘯落巖狖東峰在眉睫  
可望不可就同遊却何時瑤草春已秀

夜興

秋氣入病骨殘夢倏然驚芭蕉葉間露風過皆成聲攬  
衣次寥內搔首天河橫飢蟲語不休中宵誰汝令孤鴻  
亦何苦犯霜度微明悠悠念群動百感忽我并大化倘  
不爾吾其免營營

寒星挂疎林夜色翳餘暝鷄聲驅行客出門路方永亦  
有山中人熟睡初未醒而我立於獨婆娑玩光景一笑  
天宇青此意君自領舉頭見殘月葉脫知深秋今我曷  
不樂歲月如驚鷗常憐古志士辛苦歌飯牛空山夜曼  
曼政合秉燭遊臨風振吾衣蕭瑟不得留小立殊復佳

澗水鳴幽幽

陳生詩

陳生少也孤秉志何軒軒讀書奉慈母承顏郁春溫元  
然處膝下不間晨與昏叢叢萬井中陳生深閉門暉暉  
百花時陳生不窺園常恐去左右或乖覆育恩一朝抱  
長痛飛霜墮秋萱鹽酪不入口日夜涕傾盆欲娶弗及  
養矢言終不昏尚賴百歲後兒子父所孫朝來遊子衣  
忽逐東風翻世方醉糟粕何庸薦犧尊陳生顧謂我是  
事安足論幸託山水窟放情詠蘭蓀嗟今學步者觸險  
爭飛奔願爾利鋤鏹深斲六籍根願爾進竿觴高沂百

聖源源長流自遠根大枝乃蕃勿搖崔嵬筆誇作磔磔  
言弘惟孝與悌百行茲其元咄哉行勿休日月方云云  
贈言豈子敢情真覺辭繁匪爲陳生榮庶感薄俗敦

述懷

端居有多感求志無餘營夙違金門路緬愛丹丘名謬  
忝君子顧捧已厠群英卑棲念遠引窘步迷先征俛默  
敦宿尚低徊阻平生伏枕倦中夜攬衣寄遐情上天廓  
澄穆列宿揚光晶俯視林木改仰悲鴻鴈鳴跂予秉微  
素十年守柴荆希世乖近務慕隱餘衷誠願言良時晚  
庶保幽人貞

寄方子踐子發

窮居悵無遂徂歲聿載陰飛翹隕芳華候蟲厲哀音急  
颺扇叢薄沍露棲喬林撫景慨往古端操思繼今折蘭  
間幽佩解纓濯清淥石林宵葱蒨佳栢鬱蕭森遺世豈  
余敢匡時非我任覽已謝高軌卽事念所欽纏綿阻道  
里緬邈眺岡岑委懷竚芳訊貽好在規箴

寄俞子易

間居寡歡豫枉駕忻周旋清言邁脩夜朱火銷餘煙嘉  
會良不易鬱抱罄所宣揆余徇微業春冬屢徂遷著微  
忤往括馳芳謝時賢睠茲企三益揮袂增慨然杪秋淒

且厲郊圻曠阡眠振飈卷飛蘿積霧迷遐川契闊歲復  
流瞻望情所牽存期尚勿奪輔仁庶不謬紫芝無新曲  
白駒有遺篇失心遂招要贈言比芳華

東園晚歸

典忍嬰近務超遙愛佳辰與言望東菑良苗藹津津鄙  
人昧時趨曠途夙所遵幸遠簪組累稍欣田圃鄰兀兀  
登故畦悠悠睇城闈理穉出新竹撼枯落荆薪夕日逗  
遠川餘暉散衣巾豐豐觀物變依依念農人渠渠長者  
言惻惻非賤貧

送凌吉叟杭州教授

浙水西八州維杭實名都古來萬人海逐逐無賢愚况  
茲百年後淳朴古不如翩翩誰家兒白馬驕路隅春風  
樊樓醉一笑百斛珠亦有朱門家齊謳間吳歛綃綺散  
煙霧繽紛被僮奴可憐彼虫虫久爲紅塵驅頽俗如波  
瀾孰障群流趨又如敗屋壁風雨須人扶博士非冗官  
豈即無良圖當令歌舞場化作弦誦區行矣循所務辭  
章信其餘春風摻別衣晴沙秀寒蘆何以贈子行白雲  
不可呼聊持往者言用比貂檐榆

送朱仲山之京

麒麟出渥洼意欲周八極芻豢豈不多未便甘伏櫪念

君抱耿耿坐視暄涼易忽辭白髮親去作青雲客應恐  
鄧仲華笑爾長寂寂鄙人屬有念未辦經世策青燈雨  
如綫窮巷方偏仄懸知操斧斤不必睨樗櫟往哉布汝  
懷庶用副前席勿云萬戶侯自可談笑覓百年滔滔內  
歧路足南北出處會有爲聚散奚暇惜歌我辛苦詞送  
子遠行役崢嶸壯士志慘澹遊子色那無平生期慎爾  
保金石莫將賈生淚先爲離別滴

贈葉審言別

昔人稱好士乃有黃金臺黃金亦何物顧用驕賢才葉  
君被短褐志力何雄哉北走叫閭闔紅雲拍崔嵬終然  
無苟售自保同嬰孩車服非吾榮黃金直浮埃十年人  
何官茅屋歌蒼苔豈無琅玕樹鳳飛故低徊一朝脫身  
去歛觀雲路開葉君善自愛往矣毋憊猜迷邦古所誚  
豈弟貴不回願言吐竒骨落落排風雷尚念窮賤者衡  
門守蒿萊

舟中偶書

我舟合江滸水清石頷頷念此殊可嬉如何有行役沙  
頭白髮翁捫蝨了晨夕茅茨八九椽終歲閱過客

晚泊釣臺下

四山環一水遺臺故壘岼那無漁樵居政復不敢安舍

舟衝微雨憑軒俯清灣念昔乘興來無從寄游觀今我  
有行役乃尔容躋攀山靈豈愛我爲解塵土顏落日奠  
蘋藻清風聞珮環幽尋不可極林暝吾當還却去均望曾  
碧孤舟生晚寒

登鍾山最高頂以三山半落青天外爲韻得天字  
平陸漫千里茲山乃穹然猶憐布金地未即辭喧闐巖  
液散珠琲春岡走蜿蜒稍欣涉幽邃登頓衣屢褰路細  
石礪礪崖深竹娟娟洞扉剖開敞峻峯拍中天真探歷  
嶽峯垂蘿弱容牽碧潭隱光怪華雨標崇筵下睨飛鳥  
背茫茫但蒼煙眇默玄圃期淒涼雲嶠篇休駕將未能

惆悵春風前

休日集于城南

投耒從遠游牽世乖明略豈不有簡書未能置丘壑崇  
岡近盤互春物紛照灼休沐集諸彦迂趾惠前諾稍空  
林中尊復詠霞上作迢迢歷墟壠靡靡瞰城郭脩楊蔭  
晴渚野櫻散朱萼撫時悼推斥畢景頽棲託損益向子  
明才能賈生薄曠言觀歲寒無將媿場藿

卞忠貞公墓

江左失其御強臣玩天誅歡娛一以乖狂御無赴起黃  
屋播草野彤庭交劔受事樞始誰秉捧首如奔狐儻茲



百世士死與二子俱孤哀耿未沫足以孚豚魚義旗果  
東指白日開天衢孰最撥亂功之人或其徒伊昔大雅  
廢清言鄙文儒禾黍已橫委衣冠尚舒徐屹然見砥柱  
獨障狂瀾趨高風邈難攀捐生乃區區青簡煥遺列蒼  
榛閔幽墟日夕悲吹多天高年運徂世方用骯髒猶將  
愧玄虛江濤渺在望雪涕空漣如

制使馬公祠堂

朔風破滄溟白浪無餘地可憐甘棠樹乃爾能蔽芾借  
問誰所遺馬公古能吏當年印纍纍庶務劇千蝟藏龜  
不待灼騁駿無留轡偏及兵馬區藹然承平意宴安亦

國步方不易至尊久嘗膽壯士頻裂背煌煌青

鉞可同牛刀試嗚呼豪俊人竟偃風雲志致身豈云異  
生世已其季安知穎川守遂非廟堂器嚴祠閉寂寥古  
木含蒼翠平生瓣香祝母乃兒女事如何百載下能墮  
看碑淚水惟茂陵翁苦心抱天藝力耘宜有收黽勉觀  
來裔渠渠桑梓共喋喋市井議庶哉瞻前脩樹德母自  
畏

送人赴廬陽學官

播非人所居潭陽實其鄰荒淫雜巫鬼哀怨餘騷臣念  
子有行役水陸彌數旬乃知臯比座佇承文翰賓遐徼

指天末男邦控城闈俎豆當在列冠裳定來臻足明理  
化盛演溢周窮垠廣陌望八荒出車日麟麟蠻荆孰無  
適忠信惟書紳簡書有程期取別無逡巡揚鑣觸炎熱  
振鐸驚遠人沅水春蕩瀟楚峰莫嶙峋行行慎其度離  
別何苦辛

曉望

城頭鴉鳴曙起坐理冠幘開窓寫遙望煙霧竟川澤喧  
喧市聲動漠漠井氣白如何山中人歲莫塵埃客

發金陵留別一二同志

盛名不易居直道我所遵雖在嘉遯志未渝白圭三品罷  
釣出滄海迴帆遡江濱城闈遠滅沒風水屢崩奔蕭條  
故交地愴恨遊子魂始雷茂陽澤孤生限窮鱗沈翔自  
殊勢衰榮實同根戰勝物可遺目擊道已存乘桴詎無  
取絕絃難具論寄言同心子毋徒念加餐

龍灣夜泊

乘潮出遠浦日莫北風平高亭不可望遙遙笳鼓聲月  
明寒鴈下江空夕煙生非關川途念沈憂坐自盈

敬亭山

昔窺謝公作今陟敬亭寺徵素忻始遊賞勝資深詣脩  
脩綠水木宛宛交蹊術緣縹澗草豐幽颺松颺駛微鍾

響香障高閣浮花氣聿熏旃擅妙豈愛岑壑媚憑生實  
內惕即事多冥契自陰暎松檟寒芳懷芝桂海岳期屢  
遷石林路深閔經營垂道要迫窄餘物累稽首調泐尊  
尚飲無生惠

宿雲黃山作

束髮弄文史挂席去瀛壖邂逅乖良會擯落迨茲年息  
景念生理洗心賓象筵恭惟上皇代異人祕靈詮宗師  
既逾海茲山亦棲賢金棺滅雙樹寶篋緘紅蓮仰窺攝  
誘功信知願力堅內愧實菲薄冥通未精專褰裳碧峰  
雨焚香石林煙綵翠何紛紜苔澗窅洄公尋幽匪外適  
蘊真冀重宣二邊離有無五濁空腥羶豈伊俄頃用庶  
謝平生緣

重登雲黃山

茲山實靈竒吐納變舒慘太常闕弗錄名號何黤黤重  
華秩山川盛典軼封碣蒐遺侈綸綍蠲索羅醞醜腐儒  
世所貸薄藝守鈇槩無能旅駿奔徒取肆游覽霖潦時  
始收天地餘藹暎嵐光乍璘璠石狀終黤黤行行恣芒  
屨徃徃得蛙坎冒進誠近貪自畫將豈敢久之零埃豁  
秀色坐可攬青燄插鋒鏑翕翹披菡萏崖奔馬駢駢石  
踞虎耽耽高尋拍天路幽矚極玄窻前行幾台背後或

兩髦髻緣岡既蹠踣登嶺仍輜轉舉頭塔廟湧地平忽  
如毯天人所食息瑤玖化餘樵林輝寶燈燒風語金鐸  
撼敗壁詩者誰漬墨亂濃淡險盡乃復佳疲極復何憾  
是節蕤賓初野薦首昌歆煮澆茶可啜剖石蜜堪噉名  
談析毫髮苦語瀝肝膽理冥心自珍機湊首屢鎮陽烏  
若西翥衆色齊慘澹崔嵬識梗楠蒼莽辨葭菼暮接僧  
所窠鍾鏗鼓統統群居肅不吳共飯聲有噴迴睨夸奪  
場撫事叢百感趨名蛾赴燭逐利魚投摻何時脫火宅  
靡若頽去領綺言息誦誦妙供紛醜醜於焉寄相羊庶  
以忘坎壈誰云入道苦餘味需橄欖

秋夜觀書作

間居感時駛獨學難爲功眷言思古人幽懷極忡忡秉  
燭起中夜攬卷來清風恭惟千載心皎潔懸無窮氓俗  
自升降道妙非汙隆後來亦奚爲黑白紛相攻華芳乍  
可悅軌轍何由通吾將離言說庶以觀其同所憂明爲  
累不懼蓄不豐開軒視明河白月當天中怡然掩書坐  
夜氣方鴻濛

覽元次山春陵行有感近事追和其韻以寓鄙懷  
惟王始建官民命有所司奈何閱流彗束手無一施屬  
者秋夏交上狀殊酸悲赤日紛按行人馬同時疲連阡

見標榜不救飢與羸仍聞恣鞭箠慘怛傷虜皮檢覈須  
再三供張常恐遲哀哀鬻兒女貿貿行安之感茲欲無  
訴旣往何由追尚慙噢咻恩稍緩租稅期云胡有倉卒  
徵斂更相隨但將充其數肯復計爾貲肉食不自鄙謂  
我非敢知棲棲甌石儲剝割無或遺言是隣壤凶藉此  
敷恩慈寧知是州人俟死他無爲出語餘喘息行步須  
扶持猶令比樂土疾苦喘謂誰俛首州縣間這責自其  
宜况迫大府令聯絡飛符移豺狼方在郊鷹隼宜用時  
區區獮狐兔政爾何增虧吾賤不及議爲君陳苦辭

登錢山望菰城慨然而賦

吳興水爲州諸山若浮萍况此一培塿瑣屑世未名所  
欣漁樵居乃與緇錫并種竹有萬竿結茅無十楹老僧  
解人意蹠履能相迎芳草被行逕朱藤暗巖扃蕭條空  
堦暮日照莓苔青猶嫌所歷卑未極遊眺情聳身白雲  
上始見春申城想當高會時樓觀飛青冥竭海薦壘勺  
窮山羞鼎鉶安知千載後寂寞無人行煌煌冠蓋區壤  
壤狐兔塋歸來朱門客聽此松風聲

逸山過姚紫英別業

逸山誠復佳逸人不可逢何言一笑頃得此蒼髯翁今  
晨過其廬碧苔滅行蹤坐我松竹間野藪羅甘豐初無

馬世談頗多曠士風念昔去巖壑輟耕白雲中白雲故  
無恙我乃羞樊籠祗應山林癖未易藥石攻高期出避  
逝意氣將無同十年舊泉石忽忽蟠吾骨起視白日低  
歸禽亂西東拔地森四壁攬天唯一峰復聞麻谷幽近  
與金蓋通山態方屢改泉源殊未窮湫然一區內嗟我  
何懂懂

次韻答蔣明府先生

文章不經濟耽書或成淫偶從長者游稍窺古人心不  
琢豈非玉無絃孰爲琴歲宴燈火微江濶魚龍深願言  
報嘉貺安得雙南金

和方韶父先生以蒲城風雨近重陽爲韻七首

掩書坐中宵堦空葉落滿不見書中人蒼燈夢秋館  
豈不有膏沐所慕非傾城翠袖日以薄勗哉歲寒情  
棲遲憐螿瓜夢寐追飛蓬去去羊荊州吳帆渺霜風  
當年白衣人賴以慰風雨不飲政復佳有酒無用滑  
江瑤配荔枝勝處終不近好醜且勿爭夫道有定分  
龍丞遂已矣自斷山千重煙霞故無恙勝會何由逢  
寒華衰復榮東籬幾殘陽蟠桃亦何好千年期一嘗

金華北山紀遊八首

靈源

偶爲山中游遠過雲關宿蒼燈閃初夜雨氣蒸深屋時  
聞清梵音窈眇松林曲

草堂

迢迢上方界木木翳清景山深不可留日暮衣裳冷淒  
其懷昔游百歲嗟俄頃

三洞

仙山高不極萬古積蒼翠清興薄暮移遺跡洞天秘巖  
阿春寂寥群仙勿子遲

鹿田

披榛度空荒突兀崖寺古幽花雜紅白老屋亞雲雨前  
瞻石徑微咫尺不得取

寶峰

下山復上山躡蹻行沮洳宿雲冒長嶺旭日暎高樹山  
僧亦何爲獨向城闌去

潛岳

潘公古達人陳迹闕丘壑草生春晝長鳥啼巖花落神  
交千載上未敢付冥漠

山橋

行行指木末路逐飛雲上時登巨石憇共聽春泉響尋  
源竟莫窮卽事成幽賞

寶石

暮投招提境明發首歸路舉頭望山椒遙認經行處重  
重巖壑間蒼然正烟霧

中秋會宿浦陽江上分韻得仰字

嘗窺仙華錄勝踐心所仰蹉跎二十秋故爾勞夢想名  
談出邂逅高槩餘佛彷彿至月仍圓別來山似長百年  
空中絮此會知難兩欲去吾未能不飲君宜強露蔓多  
夕滋風竹留晚響岐路方悠悠云何稅塵鞅

龍山九日

鬢色滄海滌彌年窘將迎屬茲九日至緬愛龍山名欣  
然得勝踐況乃群彥并碧蘿引幽策涼泉度飛觥志適  
形可忘神舒體逾輕鄙劣竟何取醜顏結華纓登高謝  
能賦徇祿慙歸耕幸此農事休萬寶咸告成庶竭一餉  
樂持用夸昇平月出衆山靜天空夕雲礪先民貴無荒  
簡書今有程悵焉難久留振袂松風生

石臺分韻得下字

蒼山面長溪勢若飲奔馬層臺跨其脊萬古挹瀟灑登  
臨茲維要朋從未云寡迢迢歷榛莽靡靡眺原野白雲  
與翠霧竄在屢屐下窮秋向搖落霜菊故堪把賞心孰  
無同幽抱欣已寫觀矣千載期銘山俟來者



雍熙僧舍偶書

幽窓悄無寐落葉不可數風驚葉間露中宵聽成雨起  
視天正碧萬里若垂宇茲予亦何爲兀兀守環堵

送楊學正還餘姚

舜江吾舊游風物殊不惡江水天際來宛宛帶郊郭雲  
帆渺沙渚翠嶂森樓閣別離不可念此日忽已昨想見  
春水生烟柳仍濯濯君胡久去此三徑獨盤礴空齋耿  
燈火月冷潮聲落近聞故人書遠致江上作白駒幸無  
遐淮陽詎云薄招要忻良會綠酒春可酌采芹有遺篇  
風雪多新樂因君訊同志何用慰離索

奉府帖賜高年帛晚宿孝義山中賦

捧檄去州邑承筐布明恩詎敢期稅駕惟知懼乘軒時  
春雨新已嘉木陰正繁農人有耕作羽蟲亦飛翻感彼  
物情適念此王事敦悠悠迫長路靡靡窮郊原庶與遺  
老逢幸聆長者言持以薦芹曝無慙貢丘園低徊白日  
晚寂寞蒼山根吾行匪游衍此懷誰與論

遊西山同項可立宿靈隱西菴

薄游厭人境振策窮幽躅理公所開鑿遺跡在巖麓秋  
杪霜葉丹石面寒泉淥仰窺條上猿攀蘿去相逐物情  
一何適人事有羈束却過猊峰迴遙望松林曲前山夜

來雨濕雲漲崖谷縹緲辨朱甍禪房帶脩竹故人丹丘  
彥抱被能同宿名篇聊一詠異書欣共讀蹉跎未聞道  
黽勉尚干祿夙有立壑期吾居幾時卜

送祝蕃遠北上

春風吹九衢卑卑桃李門明堂待松柏未失山林尊相  
逢今歲寒是事無深論念子抱遠志此道夙所敦刊條  
落其葉將使見本根痛恨日月微毅然開浮雲奈何夸  
毗子聚訟生紛紛瀛洲富才彥冠蓋如雲屯去去當遇  
合美價傾輿璠惟須用卿法力行尊所聞丈夫必有事  
寤主在一言上以裨聖學下以安元元我如鶴俛啄豈  
復思乘軒子如搏風鵬本是天池鯤棲棲文學掾平世  
何足云勗哉保令德契闊期無諉

陳孝子詩

南仲抗陳氏斗龍父所名家臨百丈溪父書傳考亭夫  
亦人之子胡獨以孝稱維仲適母盛王實生寧馨盛謂  
我已出無殊祝螟蛉仲父諱弗言王卒不自明睠然舍  
之去呱呱聞泣聲年運日已往頭角稍崢嶸天乞殞  
滅願以益父齡父沒盛亦亡弔影傷孤筮或乃告之故  
曰汝王所生王居清湖上去此無十程時仲新捧檄精  
廬擬橫經悲號棄其官肩輿親奉迎安知世代易人非

餘故城鄰有鶴髮媪叩之曰始嘗言我與汝母少小俱  
娉婷汝母生汝歸去作江東行不知今在無老我猶零  
丁仲也聞益悲羸糧事晨征六年困逆旅冷雨啼青燈  
譬彼無母雛投林輒哀鳴求豐有施氏大屋深重局於  
焉得母處一夕相合并母字更抱持淚如九河傾三日  
負母還盜賊方搶攘倉黃與之遇白刃紛交橫頓首前  
致辭覲縷陳衷誠能令激高義相戒勿敢驚仲昔以至  
行上天降休禎靈鴈旣群集嘉瓜復冬榮區區彼蟲蠹  
豈遂無人情聖門語純孝厥有閔與曾未聞樹竒節詎  
誦傳轟轟此道古或希此事今可徵我歌雖云俚庶感

上京道中雜詩十二首

上京道中雜詩十二首

發大都

辭親獨行邁遙遙抵京國胡爲突不黔驅馬更遠適至  
尊有時巡樹羽殷阡陌宿衛必近臣顧問須耆德陋儒  
亦何知冗從同執戟草深原野青雨暗關塞黑寥寥盛  
年意眷眷游子色一身萬人中敢不思努力

劉蕢祠堂

劉君古遺直祠堂在立園嗟此豪俠窟文雄歛孤寒平  
生二三策匪徼明主恩瑣瑣談得失無乃市井言憑高

一長望苦厭車馬喧微風過疎雨青山滿前軒陰晴倏  
異態浮雲實無根悠悠千載心去去勿復論

居庸關

連山東北趨中斷忽如鑿萬古爭一門天險不可薄聖  
人大無外善閉非捷鑰車行已方軌關吏徒擊柝居民  
動成市廬井互聯絡幽龕白雲聚石磴清泉落地雖臨  
要衝俗乃近淳朴政須記桃源不必銘劔閣僕夫跽謂  
我無爲又淹泊山川豈不好但恐風雨惡

榆林

崇崇道傍土云是古長城却尋長城窟飲馬水不腥斯  
人亦何幸生時屬休明向來邊陲地今見風塵清禾黍  
被行路牛羊散郊坰儒臣忝載筆帝力猗難名

槍竿嶺

憶昔賜第歸吾母適初度蹉跎歲月晚今辰乃中路居  
人誇具慶游子慙叱馭茲山稱最高揚鞭入烟霧轟轟  
多峭峰濛濛饒雜樹崎嶇共攀援躑躅頻返顧陳情未  
成表登高詎能賦獨憐山下水遠向盧溝去

李老谷

緣崖一徑微入谷雙崦窄密林日易曛况乃雲雨積行  
人望烟火客舍依山色家僮爲張燈野老煩避席未覺

風俗殊祗驚關河隔嚴程不可緩子規勿勸客

赤城

鷄鳴秣吾馬晚飯山中行何以慰旅懷赤城有嘉名灘  
長石齒齒樹細風泠泠時見巖壁間粲若丹砂明溫泉  
發其陽撫訶勤百靈前峰指金閣真境標殊庭白道人  
跡稀青岵雲氣生信美無少留緬焉起深情

龍門

竦身望龍門緩轡行兀兀溪迴愁屢渡雨橫驚暴溢兩  
崖儼相向百水怒爭出入言馬上郎快意每多失自非  
溼洼種不得矜捷疾飄飄蟻蝨臣凜凜龜鼉窟皇靈重  
覆冒利涉用終吉廻睨向所經千嶂隱朝日青林外盤  
紆黃流中蕩滴後來未渠央君子宜戰栗

獨石

解鞍及亭午稍欣炯霧收蒼然衆山出歷歷如雕鏤前  
瞻一石獨靈宮居上頭頗聞去年夏水激龍騰湫走避  
登屋上夜半齊呀咻幸茲溪澗中今作清淺流宴安不  
可懷變化誠難求翠華渺在望行矣毋淹留

擔子窪

自從始出關數日走崖谷迢迢度徧嶺險盡得平陸坡  
陀皆土山高下紛起伏連天暗豐草不復見林木行人

烟際來牛羊雨中牧颯然衣裳單咫尺異寒燠佇立方  
有懷相逢仍問俗畏途宜疾驅更傍灤河宿

### 李陵臺

日暮官道邊土室容小憇漢將安在哉荒臺猶髣髴低  
徊爲之久懷古增歎歎長風吹曠野飛雨千里至蕭條  
蒼山根草木餘爽氣常憐司馬公予奪多深意奏對實  
至情論錄存大義史臣司述作遺則敢失墜

### 上都分院

晨興過桓州旭日生蒼涼舉頭見觚稜金碧何巍煌洪  
河貫其前青山環四傍暮投玉堂署鼇峰屹中央升階  
旒群彥官燭分餘光琴冊森在側談笑來清觴列坐無  
所爲陳詩詠黃唐帝鄉豈不樂父母遠莫將起視雲漢  
低垂星爛寒芒南飛有冥鴻邈哉天際翔

### 遊寶陀寺

十年望滄海臨流不能度蒼茫歲華晚邂逅舟楫具拂  
衣乘天風挂席隨烟霧且從蛟門發暝投翁洲住前瞻  
積水深島嶼青無數梅岑特孤絕遙見日出處寄身人  
境外矯首禪關路粲粲金砂石離離白花樹高期愜幽  
抱歷覽增遐慕俯伏答磴間庶與真靈遇二邊非可取  
三觀何時悟嗒然坐忘言目送寒潮去

雪竇紀遊八首

移舟泊泉口我行已信宿天寒洲渚生峰迴川途曲烟霞蘭若高別墅在林麓

攬衣待明發石路何幽阻日出不見人林深但多虎乳峰稍已近恐懼那復數

高人欣相迎山門帶流水風生珠樹間月窺鏡池裏觸景遂成迷應接殊未已

幽尋指山楸崖傾忽如瀉俯身視木末懸水在足下冥冥巖岫中宴坐奚爲者

亭亭妙高臺迥出千峰上怪松多十圍巨石非一狀心

賞孰與同昔賢有餘唱

肅然上方境人稀知地僻中峰路難辨丹山雲仍積徒聞古仙人石上餘足跡

詰旦逾西岡草木益深秀梯苔下絕巘坐石看飛溜陰靈多窟宅欲往不敢又

興移初出山繫纜長汀樹夜來雪已深溪風水難度猶疑鍾磬音遙遙白雲處

送曾止善孔廟司樂

周官重司樂典教專成均如何千載下實去惟名存之子負遠志被褐徂冬春低徊不自術保此席上珍小試

特豪末食祿同庶人幸與駿奔齒位卑號仍尊既殊仕  
伶官况及游聖門金石方在耳頌聲未崩淪聞風苟有  
作薄俗斯還淳嗟子領胃子四術空遺文鏗鏘尚莫辨  
論說將何云臨分用自愧贈言聊具陳

同王章甫待制校文上京八月十五夜宿龍門驛  
涼風墮黃榆萬馬皆南馳而我方北首度關及鳴鷄石  
路更幽阻僕夫慘不怡徐驅待明發決滌窮烜霏貂裘  
者誰子恠我逢掖衣爲言霜露多遑遑獨安之我非不  
自愛簡書今有期憶昔州縣間折腰向小兒荏苒二十  
年白首初登畿同袍如燕鴻去住恒相違悠然慨平生  
與世何參差瞑投龍門驛高館臨迴溪青崖拱白日水  
木含餘輝秋色故蕭洒我行殊未遲相從况魁彥炯若  
珊瑚枝衰暮奚足云一觴聊共持

送鄭以道

鄭君不羈客漫仕常優游故人滿天上獨佐嶺南州嶺  
南風土異去天將萬里駟騎如流星衆手挽不止到官  
定多暇坐對梅花時溪石秀可硯此筆成新詩詩成付  
迴鴈動是春冬隔用儒行召君努力崇明德

送王君冕同年歸長安

昔忝膺薦送被褐趨上京蒙恩賜清問彙進陪時英束



帶仕州縣暫爲閭里榮蹉跎二十年來拂舊題名并沈  
久已判存歿復堪驚忽逢王明府話舊欣合并蕭條逆  
旅中書帙亂縱橫坐閱車馬喧澹焉若無營雖懷帝鄉  
樂不受世網嬰寵辱端可齊去就一何輕空餘緜袍戀  
猶軫故人情予方徇微祿未能返柴荆終然無補報白  
髮日夜生如何同遊處餞此千里行度關秋風起落木  
寒蟬鳴相思阻良覲惻愴何由平

題社左司西巖詩卷後

吾聞古達士大隱非山林如何鶴鷺間白駒起遐心遙  
遙望故山紫塞縹以深峰巒勢交集積翠千萬尋園廬  
在其下門巷常悄悄軒窓帶流泉花木久成陰春秫足  
新釀亦有書與琴終然戀魏闕未忍投華簪平明奉朝  
退粉署鬱沈沈披襟坐高閣獨對西山岑爽氣幸可致  
塵慮安能侵勿云須吾土始用窮登臨異方苟同得視  
古猶視今聊爲招隱篇往和巖中吟

題象山環溪圖

崇山標地靈萬古聚清泚堂堂故相家高風在高木仙  
翁上天去逸響今誰續優哉四千石接軫飛華轂夫君  
冰雪姿乃爾抱幽獨翩然來帝旁霞裾儼初服侍祠明  
廷上厭直齋廬宿睠言懷舊居結構依山麓軒窓對晴

嵐林抄出懸瀑散爲百道泉噴薄翻珠玉餘潤之所蒙  
杭稻豐比屋春事日向深桃源酒方熟往來無俗駕異  
書仍可讀歸歟定何時專此溪一曲相逢京洛間紅塵  
眯人目披圖覲佳致山水增新綠先賢止息處杖履存  
遺躅愛山錫嘉名惠幸及樵牧于于後來者猶或被膏  
馥安得從君游青雲兩黃鵠

題趙涼公瑞瓜圖

慶門集嘉况異瑞呈瓜田生五而成十竒偶出自然觀  
物可知德發祥匪由天願言植靈苑永奉君王前合形  
表同休雅詠流綿綿

歲晏

歲晏木葉落遙見東城隅雉堞鬱岌堯列屋何蕭疎悠  
悠西南望赫赫金張廬退朝集冠蓋鳴珂沸通衢合遝  
多俊游並轡飛華裾顧盼有光彩行者爲踟躕俯慙筋  
力微無從效馳驅日斜坐官舍還拂案上書緬彼川路  
長感此年運徂遲迴不能去歎息將焉如

送陳太祝

夫君青雲彥早通金閨籍弁服勞駿奔執事謹朝夕忽  
乘使者車意氣何輝赫將指固有嚴爲務本非劇經營  
禮文事詎日期會迫定知多餘暇時復肆游歷向來佳

麗地觸目成陳迹西山獨偃蹇不改太古色相逢幾遺  
老慷慨語疇昔芙蓉君子花足以娛使客我方守一官  
兀坐如龜息當歸更淹留臨別增感激長風吹遠塵浩  
浩千里白欲附南飛鴻安得生羽翼

送王鍊師歸四明

飄飄采真侶乃在四明山霞裾朝帝所瓊館留人間忽  
聞雙鳧舄却向東南還望之若流星邈然不可攀海月  
照塔祀天風飛佩環我何苦羈旅冰雪生朱顏

集淵明句題李中甫負外稼亭

東方有一士客養千金軀東帶聽鳴雞出則陪文輿代  
耕本非聖暫與園田踈園田日夢想投冠旋舊墟興言  
在茲春新疇復應畚田父有好懷過門更相呼披草共  
來往履歷周故居悠悠待秋稼時還讀我書雖未量歲  
功栖遲固多娛此事真復樂此語真不虛餞送傾皇朝  
歸子念前途前途當幾許直至東海隅古時功名士事  
事在中都遙遙沮溺心君情定何如

集淵明句題胡主嘉樹軒

孟夏草木長霜露憔悴之藹藹堂前林冬夏常如茲嚴  
霜九月中卓然見高枝如何捨此去白日掩荆扉深谷  
久應蕪此蔭獨不衰黽俛六九年懷此貞秀姿常恐負

此懷未足爲高栖及時當勉勵慷慨思南歸親戚共一  
處日夕歡相持披榛步荒墟登高賦新詩坐止高蔭下  
一觴聊可揮從今至歲寒縱心復何疑

永嘉王君自製挽歌辭蓋能安死生而未忘情乎  
死生者也集淵明句以釋之

自古皆有沒我今始知之居常待其盡逝將不復疑人  
生無根蒂去來何依依既來孰不去奄去靡歸期復得  
返自然人間良可辭何事空立言念此懷悲悽日醉或  
能忘一觴聊可揮且極今朝樂千載非所知

丙子七月十七日同輝公登紫微巖汪生元明許

生存仁來會遂宿應田寺明日乃由山橋回至笑  
蓉峯而別追念數十年間並游之士往者已不可  
作在者又莫之與同兩生願能不憚其勤相從躡  
屩行風雨中誠一時清事也第未知後游爲何日  
同游爲何人撫事述情成二十韻邀兩生同賦奉  
呈審言子長

吾年未及謝倦飛已知還乃復嬰近務無由縱清歡幸  
與方外士相從巖壑間小憇遂深入詰曲披茅菅昔人  
有遺躅縹緲青雲端高居匪結構異狀如雕鏤志怪固  
無取懷賢邈難攀停策訪舊游欲去仍盤桓迅颺發中

夜衆木號驚湍涼秋變祥暑山深氣先寒泉石無改色  
四時自推遷交朋半新故念之增慨然兩生亦可人環  
佩來珊珊携手恣幽步流目窮遐觀時於林缺處遙見  
城南山行行度危磴悠悠睇層巔凝陰闕朝采玄澤醜  
神淵嘉穉日已豐藹焉滿中田覽物多所欣賞心殊未  
闌後期孰與同良會當何年

湖上即事

垂雲晝濛濛湖面惟一色薄暮風更生際夜雪初積凝  
陰勢方盛塵境喧暫息坐久聞壑音忽然破寥聞

試院諸公西湖同泛分韻得儀字

秋杪景將晏天高霧仍披漾舟西城曲散策南山陲重  
棘幸已撤累觴欣共持及茲酒不空未害席更移會會  
非可常簡書各有期念之動予懷勗哉慎其儀

題清華亭

名區匯脩渚流望俯平陸飛雨天際來遠峰淨如沐生  
香餘晚華繁陰藹嘉木秀色坐可攬終然不盈掬觸景  
幽興多接物道機孰誰能與之遊食芳飲山渌

題松聲樓

長松四簷間落落無與伍天清嘯歌發肯作兒女語道  
人有真聽無迎亦無拒尚不知有耳况覓聲處所起視

南山高明月在庭戶應念朝市人聞雞走風雨

身公送寧上人歸吳中

我如雲間鶴又厭雕籠養子如海上鷗初不嬰世網胡  
爲逐吾輩飲咏勞俛仰得無坐書癡遂爾生技癢欲於  
一毫端而現諸萬象重雲連夏秋雨點大如掌三州成  
巨浸百水猶怒長倉忙揖我去風蒲映飛槳有形天地  
間浮萍依浩蕩向也本非來今焉亦非往臨岐將何贈  
詩境方渺莽幸子頗聰明莫作離別想

至正丁亥春二月起自休致入直翰林夏四月抵  
京師六月赴上京述懷五首

夙予抱微尚漫仕遂浮沉決去不復疑甘以投華簪春  
天動使星空谷發楚音倉忙遣就道載筆歸詞材弱質  
幸未朽茂恩一何深義當不俟駕事乃違初心揖與親  
友別長眺故山岑臨觴不能御朗詠巖中吟

揚帆越江淮河水來活活呂梁扼其衝石芒殊峭拔沂  
河柁忽摧度洪纜遽絕前途總安流風勁桅復折兼旬  
涉險艱脫命爭豪髮行行薄畿甸值此正陽月皇輿方  
北狩前旌曉已發疾驅望清塵我馬不及秣出關歷峻  
阪下視原野闊礧谿多縈迴岡嶺互盈缺舊遊如夢寐  
古道無改轍經時春草變久旱夏雲執遠行誠苦辛儻

免蒙霜雪

信宿憇虛館平明玉堂開微風散靈雨階砌無纖埃良  
會秩初筵芳醪湛樽壘內官出黃封飛鞚天際來承平  
多故事鄙劣慚非才抃躍向宸廷慶雲鬱崔嵬乞身懼  
再瀆戀闕空徘徊

日出旦氣清齋後趨行宮周陟夾馳道大帳垂穹窿鳴  
鞘下霄漢別殿臨薰風攝衣升玉除穆穆瞻粹容謁拜  
未及已迴光赫重瞳詔使侍經幄通藉丹禁中斯榮非  
所希千載庶一逢休惕又復前旅進陪群公願因奉清  
燕忱陳輸微忠衰遲力不逮勞心但忡忡

圓象無停運日馭轉西陸原野多歸人翩翩共馳逐念  
昔居閑曹未老先納祿蒙恩列外監放浪湖一曲薄田  
皆舊畝敝廬非新卜白首重見招英遊並華轂寒松雖  
復凋幽蘭豈再馥宣尼譏憲矣伯陽貴止足時暮復何  
言終期返初服

仙華方先生析簡齊杏花消息雨聲中之句爲韻  
賦山中社雨七章和者四人先生於第四章見及  
願未能屬和今五十餘年諸老皆已下地先生門  
人在者惟朱仙仲山年八十矣偶逢春社興懷存  
歿追次前韻以抒鄙情

貞居遠人寰屋老四山驚一翁屹靈光二季亦秀整  
曉聞楓林鼓雨過鄰墻杏脩然發孤詠語盡意方求  
昔年慟笑地古劔生銅花婁其懷故交中情亂如麻  
全彼盛壯時緩轡揚輕槳吁嗟長星墜無復出漢巴

淮陰權竒士髀肉老始消長眉已雪色頽顏尚紅  
潮朋游三數公於焉共逍遙平生經濟策忘言付詩瓢

卓哉全歸子離塵返冥極却觀人世間千載猶一息  
贈言在吾耳風規良可則欲叩封禪書探囊竟無得

憶別青岳翁歸進江上鱗書札未相忘歲月遽如許  
山長春國深地闊雲濤阻詩筒杳不來今雨非舊雨

千華幾千仞峻絕臨紫清天壇瑤草合石穴陰風生  
蹊杖屨未眷眷丘壑情幸有一夔足雅歌續遺聲

前脩遂不作良友孰我同兀坐守章句獨學無全功  
徒操五色筆隨人畫虛空悠悠感存歿惆悵百年中

五言律詩

寄方韶父先生

牢落江南賦知音寄渺茫鹿麋行處有芝草夢中香  
興滄溟闊悲歌白髮長平生今古淚滴破綠蘿裳

雨二首

兀坐九十日雨聲殊未收花時翻益睡茅屋不禁愁  
生



事吾何望春寒晚故留江波青蒲眼萬里付雙鷗  
泥濘今如此出門知路難蓬蒿春自長桃李夢曾看未  
覺龍公倦誰憐燕子寒青燈耿蕭瑟千載入憂端

雪

急雪下不止朔風終夜鳴飢蟲應蚤蟄老鴈故南征生  
理真何計沈吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙灘燈  
火期方遠關山歲欲闌倚門應望汝莫慢駐征鞍

寄友人

憐君山水意局促守柴扉故里悲秋草涼風滿褐衣滄  
洲斜日晚白社幾人歸寂寞分遙念天寒木葉稀

秋懷五首

天末雲猶去山中歲欲徂周流吾道在歎息古人無野  
鵲疑秋樹新駒怯曠途蒼茫念同志微薄忝爲儒

對酒高天豁登樓落日曛亂蟬悲暮葉老鴈赴長雲落  
柘嵇中散棲遲鄭廣文身名竟如此碌碌竟何云  
稍稍秋河落娟娟宿露微天清江不息野迥樹相依回  
首狂歌數經心昨夢非流螢無思極巧入絳帷飛  
仰古嗟無及關情極可哀禰生才見忌賈傅直爲災世

肯憐樗櫟吾曾悔，草菜小詩聊戲耳。何乃併生猜  
風雨仍搖落，江山且滯留。懶從生事拙，閑惜壯心休。  
弱蔓縈歌石，空槎卧泐流。興懷到微物，世故劇悠悠。

柴荆

赤日薄烏帽，柴荆無定棲。可能詩似錦，乍取醉如泥。  
薄業慚魚艇，深衣逐馬蹄。蕭條江海興，芳草故萋萋。

憑軒

信有儒冠誤，憑軒意欲迷。山深風雨惡，天闊羽毛低。  
它日開炎瘴，連城送鼓鼙。荷戈吾媿爾，未敢歎塗泥。

風雨

風雨忽如此，閉門方晝眠。故應爲計拙，可復要人憐。  
燈火羗村路，桑麻杜曲田。悠悠今視昔，把卷一茫然。

山中懷友七首

大府趨群彥，脩才復壯齡。汲瀾開白晝，羽翼動青冥。  
弱質悲殊調，明時敢獨醒。未妨茅屋底，寂寞抱遺經。  
望遠空山裏，天寒夕夢孤。林昏行魍魎，江晚變蘼蕪。  
風雨憐同病，塵沙感壯圖。向來懷古意，迴首未能無。  
踈放誰容我，交遊重得君。論文輕咳唾，問俗到耕耘。  
一咲能青眼，相思有白雲。春風動閭巷，還往謾紛紛。  
何事虛齋裏，猶分首宿盤。高林容偃蹇，衆翼避扶搏。黑

夜文星動青天劔氣寒終南山正好那得悔儒冠  
自是麒麟種卑棲又幾年故廬南雪下短褐北風前歲  
暮山林瘦天高雨露偏肯同兒女輩俛仰事春妍  
卓犖恒山秀相逢幾抱琴五年風雨別四海弟兄心雪  
外梅花遠山中桂樹深定知嵇叔夜高興薄雲林  
洛社推年少清才照士林春風何處客芳草獨行深遺  
墨收秦刻新吟學楚音別離無一字目斷白雲岑

悼雙林栗上人

飛錫遍諸方棲身復故鄉年隨雙樹老人與一琴亡暗  
草迷春塔疑烟鎖夜堂瀟瀟今日雨誰炷影前香

社日重過方子踐

東風吹客衣長憶見君時一別鶻雲散重來與燕期春  
深今雨夕花老去年枝莫待空山裏青燈有所思

聞子踐卧疾

吾子仍多病何人共解頰水聲和藥臼春色閉松關積  
雨連三月懷人劇萬山同遊况零落浩蕩可追攀

和其贊府齋居十詠十首

焦桐

隣爾抱奇質無香亦自焚材高物偶得音苦竟誰聞天  
海空遺操冰霜見裂紋中厨方煮鶴終得舍夫君

壽簡

六籍灰寒又名山餘舊藏漆痕微有字芸草寂無香後  
死嗟猶及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虛綠潤雨氣失玄陰瓦  
礫看無異塵埃積轉深明光幾携入往事復何心

殘畫

勝境不可得微綃餘舊圖丹青初彷彿塵土半模糊蛟  
蝶飛疑去波濤圻漸無良工今豈有爲爾一長吁

舊劍

憶昔蛟龍匣提携徑出荆門紅塵走馬處白日報人恩  
月銅花澁雲烟斗氣昏淒涼中夜舞田首暗銷魂

塵鏡

古鏡色如墨千年獨此留玉臺塵網暗珠匣土花浮莫  
笑塵埃滿曾令鬼魅愁盤龍驚已化雲雨夢悠悠

廢簪

不解照珠翠早同文字盟何言中路棄無復向人明雨  
宿高齋夢秋吟廢館情相看幾今夕及此慨平生

敗裘

襲爾亦已久霜風兩袖穿甘從穉子笑未受故人憐雅

製餘前古深期在暮年素絲今化盡念汝獨依然

斷碑

零落秋風卧何年廢廟碑圖經愁莫載耆舊說頻移野  
燒龜跌失荒苔鳥跡疑遙知千載後拂拭轉堪悲

卧鐘

龍虞父摧折沈埋奈爾何咿民誰聒野衲自摩挲雅  
奏多年歇銘文幾字訛斜陽荆棘裏長伴舊銅駝

過謝臯羽墓

識子今無日風流可復尋山林餘楚製弟子解聞音滄  
海他年夢青天後夜心平生匣中劍零落遂如今

元日即事

回首人頻異興懷誰與同塵埃欺白苧歲月入青銅雨  
急蒼茫外春生浩蕩中長憐故園樹一一受東風

八詠樓

懷古荒碑在登樓晚望餘秋陰垂野薄江勢抱城斜天  
地悲遊子冰霜感歲華紅塵吹短褐歸興及清笳

溪南即事

莽莽長川去行行薄暮時山光連睥睨寒色入旌旗夕  
鳥歸飛急風帆逆上遲世情關物理俛仰寄長思

明月樓

遺堞何年有飛甍壓上頭鼓鼙分大幟香火望靈湫曲  
岸舟如失遙沙樹欲浮登臨且吾土未敢恨淹留

含香道中

殘日亭猶遠輕風帽易斜稻畦低沒鶴草逕曲行蛇經  
世知無策謀生會有涯殷勤理黃菊留眼待秋花

懷揚仲弘

離別驚如雨蹉跎媿後塵祇今才有數多爾術能神玉  
唾春風濕煙霄碧樹新謬慚推吏事吾敢望平津

八詠樓遇方子踐

風雨三年別登臨一笑同綠莎垂古井碧瓦映疎桐世

故道高枕吾生劇轉蓬相逢感疇昔出處愧匆匆

杭州寄子踐

樽酒何人共春光著處同乾坤容野馬歲月失飛鴻俗  
眼能無白風花故自紅向來常處士早已負諸公

次韻答子踐

不謂飛霞佩珊然寂寞濱相看今雨夕漸近長年人往  
事驚如夢何峯擬卜隣平生千里駕還往得蹉頻

劉聲之爐亭夜話

儒冠寧誤我壯志自多違昭代尊經術先生尚布衣清  
言今夕共大隱昔人稀預恐蒼山麓無從候小薇

兩三首

湖闊雲如積，天空雨正豪。風威兼晝夜，井邑帶波濤。  
茅屋垂垂破，漁舟故故高。何妨張仲蔚，環堵自蓬蒿。  
穉子吾憐汝，泥行去不難。憑闌真自笑，高枕敢求安。  
天地三辰遠，江湖五月寒。好將遮日手，却把釣魚竿。  
田父愁何訴，龍公怒未休。千畦沈翠羽，百水散黃流。  
小市猶長閉，孤城併欲浮。誰誇補天漏，此事恐悠悠。

金陵客舍漫書

不擬芙蓉珮，終然桂寂寥。百年多事始，千里一身遙。  
巢燕驚華屋，講鷹望亦宵。蒼叢桂樹愁，絕小山招。

陪仇仁父先生登石頭城

談笑逢諸老，登臨失故亭。薄遊成汗漫，高步覺崢嶸。  
水通吳白淮，山入楚青平。生一盃酒，及此慰飄零。

抱琴

三尺枯桐樹，相隨年歲深。此行端有意，何處託知音。  
隱青山夜，寥寥太古心。空携水仙曲，更向海中岑。

吳贊府挽詩三首

鶴去愁滄海，鴻飛困朔風。冥冥方獨往，已已竟長終。  
莫掛還鄉劍，真隨厭世弓。向來曾慟哭，不是爲途窮。  
百代龍川子，風流見外孫。餘生唯白帽，舊業自青門。浩

蕩期千載蒼茫哭九原仙華雲縹緲愁絕刻舟痕  
懷古餘哀思憐君尚典刑清談無俗子白髮死遺經客  
社荒春汐鄉山隕夜星夕陽隣舍笛悽切可堪聽

春日郊行雜興三首

忽忽時頻異垂垂花正繁登臨聊極目出處可忘言風  
急江光亂春濃野色昏舊游嗟契闊覽物思空存  
五畝清江曲爲農計未踈那無經世策宜付絕交書野  
笛吹頻歇漁舟去若虛卜居能有待天地本吾廬  
高興真誰共佳辰祗屢經天清風細細花遠樹冥冥勝  
事今非昔狂歌醉欲醒終南飛鳥外一髮向來青

次韻答友人

十載論交地才皆第一豪江湖嗟契闊風雨夢蕭騷趨  
走知無力標題敢自高期君養翎羽一擊可徒勞

九日登石頭城

背郭巖塵遠高秋川岳清幽懷初曠蕩陳迹故縱橫遙  
望龍盤舊長憐蟻穴爭紆園隨處闢粉堞向來傾發草  
窺簷井看碑驗故塋門開蒼耳路亭愛翠微名遠樹淮  
南出淝江鳥外明人煙川浩渺風物歲崢嶸吹帽仍佳  
節傳觴但老兵愚生雜蛙黽浪走媿璜珩去去帆檣盡  
蕭蕭蘆葦鳴登高未成賦覽古獨含情政復哀王粲何



遠厭襴衡敝廬滄海曲目斷白雲生

寄李生

有美維仙李孤標見碧梧高門留雨露短褐混泥途姿  
悍寧爲小機深或類愚洗心須具葉游藝及樗蒲政爾  
難藏穎幡然獨抱竿從容觀近效僂事群趨稍廢琴  
心曲能操犢背書誰將窮罔象莫使避珊瑚它日逢何  
暮清談動至晡醉醒勞問我喜怒得令渠契闊江湖迥  
漂零歲月徂青雲悲捷徑白日仰身衢秋社扮榆外南  
包橘袖初飛騰如借順能勿笑蟾蛤

次韻答陳君采蕪簡一二同志六首

憶昔雙溪上相逢暮雨時交游傾意氣談笑挹丰儀  
草中年別寥寥大雅詩受材知有分豐嗇竟誰司  
不謂飄零日求賢網四張胡然卑小技乃爾闕孤芳寶  
唾非無色江鴻詎有行散材何所似徒愧飾青黃  
十載西州客論交著屐新時時談述作一一望光塵澹  
月銀河曉暄風玉樹春幸令窺髮鬢微薄尚何伸  
默守知存道清言不廢儒身方同木石名已在江湖此  
士須前席何人屬後車唯應畊釣者縹緲識霞裾  
尚想南歸始簪花出禁闈塵沙迷故步桃李借餘輝有  
日酬天造終身返布衣風流成二老巾履倘相依

亦有貞居子難忘太古情詩筒來絕響茗椀出新烹磊  
落單傳意蕭條異代名無爲念離別惆悵不能平

洋山夜發

肅肅洋山暮倉忙拜水神吹噓端有力漂泊竟無津黑  
夜魚龍界皇天蟣蝨臣生還如偶遂敢憚塵微辛

陸氏水軒分韻得揚字

高會軒楹敞清秋笑語涼行雲隨度曲野水映飛觴坐  
挹才華盛衰慙鬢髮蒼新詩穿窈眇何力共游揚

寄黃伯陽

摻別逢春雨移舟落夜濤忽驚滄海大轉覺碧雲高揚

子多奇字主祥忝佩刀深情空繾綣短髮正刁騷

送陳養直歸四明

迢迢浙河水同渡不同歸執杖方成別驚帆已若飛野

橋行處酒風雪去時衣瞻望嗟何及天長鴻鴈微

送胡允文紹興錄事

斯文千載後一髮湫存亡尚喜衣冠舊能傳翰墨香春  
秋嚴助對富貴買臣鄉莫厭官曹劇諸生在鴈行

讀陳制幹遺事

歷歷青雲上飛揚彼一時深春曲江宴清夜郾城詩老  
去山河在仙成日月遲空言徒有託千載欲誰期



原件短缺

降山牟先生挽章

井絡收英氣文昌返列星能官須伐閱仍世覲儀刑漂  
轉逾三峽森扶並五丁芝蘭紛滿砌橘袖欵充庭它日  
看空櫪羣公羨發硯鼎湖驚掃迹華表訝摧翎風物嗟  
王粲心期託管寧乘桴良已後抱瑟匪求聽此道誠何  
病明時忌獨醒迨迨瞻北極袞袞化南溟薦剡多新墨  
恩袍祗舊青故應氈座冷不愧草堂靈食檠餘深味縣  
車及暮齡一朝傷未訣千古閱遺經謬忝鴻私久徒增  
雪涕零無辭歌薤露有恨寄泉扃

入京道中寄同里諸友

畝宮倚闌斜日下入室老僧逢零落螭頭黑荒涼馬鬣  
封不才待薄祿終古盟遺風弛檐雲關裏傳觴雪峽中  
追隨尋道侶述作付文雉急景真流電浮生尚轉蓬後  
期觀歲晏來徃意憧憧

送簡縣尹

簡氏多兄弟才名萃一家嗟君本朝士出宰向天涯度  
嶺三冬雪行春一縣花應憐未歸客鞍馬尚風沙

送趙仲理御史

籍甚聲華舊頻年沐盛恩校書天祿閣執法太微垣攬  
轡炎埃豁揮豪玉露繁庸踈徒自笑投贈欲何言

送趙宗吉御史

憶共趨龍禁驚聞正豸冠汗顏居館下塙首望臺端去  
路黃河直飛霜白日寒仙舟如可託歸理釣魚竿

送馬伯忱教授

卓犖青雲彥飛騰及妙年畫成天祿閣座有廣文龜九  
陌車塵外千軍筆陣前白頭慚倚席臨別思茫然

送王道一郎中

使者下青冥郎官動列星揚旌開瘴癘持斧用雷霆遠  
俗難馴化儒臣解引經無如多註誤能勿望平亭

送宋顯夫憲僉分題得邵怡棣

謝公千載後陳迹在淮璠遺愛傳終古嘉名配昔賢  
花方爛熳使節莫留連移取甘棠樹分栽郢水邊

送宋翼卿照磨

莽莽關河路西征獨據鞍借材蓮幕底養望栢臺端指  
日傳溫詔朝天正法冠廣平心鐵石寧禪朔風寒

送潮陽蘇縣尹

夜水藏蛟鱓秋天卷瘴雲田多陶令秫石有大蘇文巧  
宦誠為樂修才况不羣尚煩驅筆陣時復張吾軍

科詞同劉遂初脩撰周伯溫編脩任大瞻經歷王繼志  
山如架閣西山行香次物韻

仙馭賓天久衣冠此出游祇園金地古汾木白雲秋謁  
拜陪諸彦躋攀展寸眸始知山水窟近在帝王州深岫  
藏青靄平蕪映綠疇層臺臨大液環海像瀛州粵自遺  
弓劍無從望甞旒明庭虛次舍綵纜舊維舟陞戟盈千  
列靈輿副九旂祠官偵伺謹中使往來稠備禮兼今昔  
求神遍顯幽琅函開具葉玉瓚薦黃流彤嚶人天合輝  
光日月倂遙看陳羽衛疑是問龍樓花雨繽紛落香烟  
泱泱浮重關羅虬兕簇仗擁螭蚪去去簫聲遠微微弱  
影收清都成夢境塵劫等浮漚歸逕綠湖尾殘陽掛樹  
頭平盃相慰藉分席暫淹留物色迓行轡風寒龍漱寒  
迴瞻天路永坐感歲時周戀闕慙衰朽非材墮謬悠詞  
休富鴻藻珍贈苦爲酬

題道士熊君壽母詩卷

跨鶴出山中春衣密密縫度關占紫氣賜酒拆黃封介  
壽慈顏喜承家積慶重蘇耽却來否石上有仙蹤

題石門淨勝寺

十頃蒼陂上山迴地勢偏屋樓黃面老碑掛赤烏年葉  
葉風荷顫層層雪瀑懸青燈夜寥聞獨照一僧禪

初至寧海

地至東南盡城孤邑屢遷行山雲作路累石海爲田蜃

炭村村白椶林樹樹圓桃源名更美何處有神仙  
縹緲蛟龍宅風雷隔杳冥人家多面水島嶼若浮萍  
海鹽煙黑淘沙鐵氣腥停驂方問俗漁唱起前汀

試院同諸公爲主試官作

右轄升庸日秋闈獻藝初端居煩坐鎮妙柬備賢書憶  
昔興文運惟天啓聖謨教條行九有學業出三餘儒術  
俄中否詞場遂久震綸言何噩噩髦士共于于吐握承  
謙德飛揚感壯圖至公留藻鑑成物待洪爐肅穆華星  
聚涵容化日舒誰歎隨計吏行矣聽傳臚橘柚天庭貢  
參苓相府儲鋪張須鉅筆衰朽媿荒疎

試院同諸公爲監試官作

文治回亨運群言協虞謀設科存墜典傳詔及遐陬  
夙勤黃簾曉霜飛白簡欬迂臨宣上化精察副旁求懷牒  
魚鱗集摛辭繭紵抽按行承獎飭鼓舞望甄收冰鑑  
清照淵珠免暗投克庭先品物入殼總英游奏自蘭臺  
上名依桂籍留神仙司下土桃李在南州使節光華盛  
公堂禮數優無能裨末論傾詠獨綢繆

游法華山田宿樓氏書房遙望嵩頭陀智者國師  
道場上清五雲龍壽諸山而未及至其處贈同游  
傅生國章

故廬湖山曲門對法華山百里空荒外三峯掩靄間倦  
游煩汲引闊步強躋攀老怯高寒境非緣興盡還  
小憇虛齋夕何人笑語同青雲一才子白髮兩衰翁節  
物逢春好名區有路通未能窮勝踐健走媿兒童

過水康桃巖

立石平如削飛雲近可梯莫窮千古勝但惜衆山低靈  
草經春長珍禽隔樹啼人言舊朝士感事有留題

五言絕句

山中偶題

古苔隱石色寒花明藥叢有時白礫雨終日青松風

夜坐

涼風動千里孤坐思滄洲白露洗明月青天此夜秋

題趙公畫蘭竹

猗蘭幽人操綠竹君子德夫夫彼棘心胡爲久吾側

題馬虛中畫

人在白雲處舟在清溪曲不聞欸乃聲但見山水綠



重刊黃文獻公文集卷之一

重刊黃文獻公文集卷之二

七言古詩

可憐行

門人宋 濂 輯

後學虞守愚校刊

後學張 儉編次

紅顏白面可憐子杖藜飢走荒山裏翠眉新婦雪色兒  
掩袖嬌啼瘦如鬼道傍朱門照霜戟腸斷汝翁呼不起  
金魚象笏供樗蒲紈袴終然愁餓死春風秋月哀思多  
嗟汝少年柰老何

崑崙歌寄吾丘子行

翠鸞啼雲天四垂花龍雙雙神姥歸金僊憶君淚如水  
昌陽落花青蘂藥會城珠闕揚素氛開明信信環九門  
羲和走馬不待人鯨魚吸海兼生塵若有人兮悵脩阻  
紫玉參差老鳳語笑揮如意教雲舞雲間鶴雛生兩羽  
歸來歸來勿蹉跎秋風吹折玕琪柯

梓山行贈桑生

昔聞山中采藥翁問姓但指簷前桐君家本以桑爲氏  
胡不種桑翻種梓桐君采藥不學醫桑君學醫兼采詩  
朝來索我歌梓山使我閣筆頻指頤問君梓樹家何處  
青山難尋夢中路但見清風兩袖寬詩筒戢戢多於樹

吾歌短歌亦奚爲坐看藥籠懸珠絲種桑種梓俱有術  
也應無術醫君癡

采芝曲贈永嘉林道士

碧峯矗起三十六老芝千年琢紅玉帝遣仙人下采芝  
迷花失石憺忘歸忘歸幾載無消息蟠桃積核高數尺  
何日青牛駕爾還肯念金華牧羊客

金華山贈同遊者三十韻

杖藜初出城西門萬株紅葉如雲屯芙蓉峯前問行路  
宛宛一線隨潺湲水聲漸遠山漸近弱蘿纖葛手所捫  
須臾橫側變峯領高岸忽復爲平原細泉瀏瀏竹竿直

石樹駢立疑同根，剝金敗碧逢廢刹。猶以第一名其軒，天明獨去弔遺迹。玉女委蛻空丘墟，樓居西起望明滅。石扉呀若山之樊，罅幽穴險徑沮洳。膝行匍匐不得奔，剝觀崖广架寥泬。雙龍遶雷蟠，蜿蜿紛綸怪狀滿巖腹。熊虎踞伏鸞鳳騫，其餘瑣細無不有。形求像索難具言，前趨林麓却下緹。俯矚九地窮涯垠，青枝翠羽不復辯。但聽風水聲喧喧，高燒松炬度其背。珠箔忽隨華燈繁，聳身上出指絕頂。碧桐高下彌山園，遙穿蓬艾蹋雲雨。險艱從此不易論，秋毫細路莫容足。下瞰不測傍無藩，怪藤如鉤草如劔。舉首仰歎愁攀援，山翁頽之笑引臂。

前牽後接猴與猿，馳坑跨谷欹側過。背汗喘息逾包燔，陰沈古洞闕星日。雖有寒暑無朝昏，却行左轉復深入。愈覺慄慄搖心魂，珠纓縹緲現滿月。稽首大士天人尊，拂衣徑逐飛鳥下。青山出沒波濤翻，或云漢人隱身處。彷彿肩背餘苔痕，蛇蟠磬折又數里。龕巖十丈開墉垣，夜歸草堂殿突兀。坐看雲月吐復吞，怡然携手盡文士。頗覺筆下來源源，名山石室如可託。幸子歲晏來無諼。

送俞觀光

寒窓讀書吻政悲，坐聞剝琢走啓扉。衝風躡凍至者誰，俞子訪我繇剡溪。相逢把臂語移時，婦女驚嗔群兒疑。

俗物病我不可醫眼明見此珊瑚枝朝來贈我天馬詩  
忽然掉頭去莫羈鼻端氣息干虹蜺詎能折腰向小兒  
文章枝瘠聊爾嬉策勲聖處今毋遲繫我愛子莫勸之  
臨岐躑躅徒嗟咨

讀清江集

元祐儒臣煥星斗後有作者非其偶二龍三鳳何繽紛  
况乃淵源魯中叟適從塵編識英爽想見世澤餘忠厚  
長公平生二三策大廷披腹驚群后風流斑斑仲與季  
茅茨采椽絕丹黜獨追古昔寓陽秋稍抉疵瑕到瓊玖  
却蟠餘力歸賦詠古硬清圓無不有爰初人文啓河洛  
下逮百氏分戶牖空言可託匪末藝巨筆待援須好手  
典刑未墜乃至今吾生已幸何云後青燈照夜兩如線  
輿論微辭煩擊剖追慕政復慙捧心贊美胡能付鉗口  
從遊起死不敢期儻挹殘膏注空朽

題李坦之詩卷

神仙中人世莫識政以文章為戲劇李生也復可憐人  
手鍾蟠樾待春色山空歲寒誰念汝青楓墮影霜露白  
遠遊賦成一朝去翠蓋雲旗暮何適蓬萊烟霧秋冥冥  
鄧君白鹿無消息袖中驪珠三百顆夜深勿近蛟龍宅  
金華之山青矗天山人看山忘歲年黃精芝草可食

安得與子巢其間石牀醉聽松風眠無為長歌怨如哭  
使汝惻愴凋朱顏

甲辰清明日陪諸公入南山拜胡侍郎墓回汎舟  
湖中作

日終甲子斗直辰持觴遠酌胡侯墳兩槩赴鷗背城闔  
四十有四同州人半為吳語如季真湖窮岸出水陸分  
舍舟登途指嶙峋少年健走黃犢奔或乃喝道驚春雲  
老翁繭足仍後塵解衣徑眠草為茵前趨一里趨廟門  
杖藜不得辭微辛嚴祠高居絕四隣傍為一丘標石麟  
升階鞠躬羞藻蘋拜興有相祝有文亦成稽首稱諸孫

歸途探幽挾荒榛下睨塵上多蝨蟻放舟催發無逡巡  
勝賞莫許窮涯垠開蓬列坐羅羶軍託名鄉飲無主賓  
誰歎解事強討論欲以窮達為卑尊美人今代王右軍  
口吐秀句天葩芬鴈行拱立何紛紛爭言我公詩絕倫  
龐眉被褐兩山民閉目宴坐方申申蟻舟黑亭鷗噪昏  
晴揚吹花灑衣巾裁詩紀實聊云云慎勿浪傳來怒噴  
送傅主簿

吾聞上古之士比屋皆可封有材不必登王公可憐衛  
青日尊貴飛將自老風塵中傳公平生經濟手却抱一  
生今白首隨人騎馬著青衫爽氣如虹射牛斗出門大

笑望長安長安萬里行路難行路難知奈何贈君一杯  
酒請公聽我歌崑崙之山兮高魏魏黃河之水兮清有  
時洛陽少年休太息東山謝公來未遲燕昭之事不足  
云陛下聖德如華勛願公功成名遂身早退曾連小兒  
能笑人

茗溪風雨中章德茂同泛

黑風翻江白雨傾  
擗歎拖側斷人行  
此時惟我與章子  
孤舟蕩漾煙波裏  
蒼蒼揚柳黃浩歌  
擊舷興彌長  
翩然一葉恣掀舞  
青山白塔頻低昂  
朝過城南暮城北  
舟人問我將誰適  
章子掉頭吳語秋  
水夜來深幾尺  
忽看

大字標竹林寺門對水仍陰陰敲門見竹不見人竹間  
翠石何蕭森迴舟少林雨如汪四顧冥茫但煙霧魚驚  
龍躍吾不知披蓑却入菰蒲去岸傍群兒拍手呼笑言  
狂客世所無嗚呼古人今則無後來視我知何如為君  
留此有聲畫題你扁舟煙雨圖

由茗溪出大湖抵陽羨十四韻

首陽山人餓至死陶公乃為飢所驅大賢出處自有意  
齧鼠何得疑鵝雛誰初令我墮世網久抱礫石行崎嶇  
今晨笑與親友別煙波泱泱扁舟孤穹天大澤合為一  
回睨入境茫如無向來蟻聚安足戀而取窘束同囚拘

暮投高館燈閃閃坐談姬孔歌黃虞是間幸可容一息  
孰與臣朝肩侏儒汗顏俛首飽腥腐咄予所樂非我娛  
故人殷勤入我夢云我作計陋且愚此生通塞久自斷  
豈憂一勺忘江湖春風二月花蔽野珊瑚玉樹唯空株  
丈夫兒女各有事為君起坐生長吁

次韻方子踐雪中見寄

前年江南雪一尺腐儒共走謗三白寧知有客卧欲僵  
凍骨稜層撐鐵石今年復此雪塞門江湖無處浮言樽  
野風蕭蕭白色死者人射虎蒼山根牛衣覆寒夜復夜  
金石餘音慙慰藉平生萬卷定安施一甌送我當渠借

題陵陽牟公紫陽方公詩卷

兩公風流掃地無文章光燄埋丘墟紛紛小兒政疾走  
安用佩玉飛長裾憶昔登堂三十載夢想時復瞻眉須  
昆蟲閉關水返壑孰使驪龍道頷珠願言保此勿輕出  
幸免兒輩相睚眦

題大瀛海道院

丹山之山青崔嵬隱居舊隱山之隈千年土鼎為誰出  
深崖古像松聲哀鴻飛天上爪在雪過者莫睨君能來  
想當月斧乍揮霍奔走屬役皆仙才卷藏瀛海歸一粟  
願盼瞬息生風雷森然幻有啓神界白日照耀金銀臺

昔聞使者茲入海樓船煙霧何時迴君其置此勿復念  
少須碧水揚黃埃九重蠖濩陛下聖方士未易誇蓬  
萊琳宮貝闕長望幸天高海闊心悠哉

陽山昱上人訪予吳門寓舍求爲湘竹詩予辭以  
未見竹上人不遠六十里自山中舁其竹而來好  
事有如此者欣然爲賦長句

道人來自陽山麓手携舊種千竿竹小裁方斛不盈尺  
中有瀟湘江一曲未信天工能爾奇不知地脉從誰縮  
晴窓脩脩散烟霧眼底森然立羣玉豈則我乃累此君  
蒙犯風埃走塵俗故山方遠重愁絕新句未成慙迫促

昔岡之產大中祿政用材美剗其腹願言保此終天年

歲莫山中伴幽獨

杭州送兒姪歸里

空江月滿潮聲怒一兒勇踏潮頭去故園天末渺予懷  
夢中識汝歸時路起向江樓遙望汝江上青楓正霜露  
涼風颯颯吹汝急櫓搖背指龍山渡翩然一葉舞中流  
嗟汝童心得無懼自我西游歷三紀舉目交朋半新故  
下車相揖何紛紛白頭朝士猶徒出玄都觀裏舊桃花  
見我重来能幾度緬思疇昔仍念汝倚徒闌干日將暮  
前潮方斷後潮續層波復浪無重數魚龍出沒相後先



疾雷槌山雨如注。隔岸峯巒空復多。沙際冥茫但烟霧。  
計程知汝已登陸。息肩弛擔今何處。明朝過我三釜山。  
能勿徘徊起哀暮。近聞旱魃肆為虐。殺吾手植千株樹。  
且須為我語此隣。莫遣牛羊上丘墓。

題松溪圖

獨騎瘦馬走赤日。忽對畫圖雙眼明。想見高人茅屋底。  
石床卧聽松風聲。秋風漸高霜露白。松根茯苓已堪食。  
鬱紆遲暮祇自憐。卷回還客三歎息。

題周鍊師雲崖

我本山中牧羊客。偶失脚紅塵陌。矯首丹崖不可攀。  
但見層空暮雲碧。樓居仙人元不死。天長地久無消息。  
騎麟翳鳳者為誰。道上相逢不相識。披圖示我舊游處。  
流水桃花尚春色。為言白石久已爛。茯苓無復成琥珀。  
忽然長揖不肯住。飄若流星去無迹。若為握手賦歸來。  
求與人間風雨隔。

贈熊天瑞先輩

熊君南州山澤臞。敝衣不滿六尺軀。年丁七十氣尚麤。  
撥棄舟楫遠江湖。塵埃掠面水生鬚。北走梁宋至皇都。  
舉頭仰瞻

天子居。姓名無由達公車。何王之門無長裾。君惟抱瑟

王好竿寒風蕭蕭雪塞廬退從諸生誅唐虞詩成篝燈  
手自畫字如凍蠅密復踈食可無肉出無驢爲我蹠履  
來于于曰予其歸無所須一言用比明月珠我方守官  
檄株拘嗒然忘言據槁梧童子穰穰環座隅笑我腹笥  
太空虛感君遠來增歎吁愛莫助之將何如翰林主人  
揭大夫與君少若同隊魚巖棲穴處多其徒君歸而求  
宜有餘長歌鼓缶聲嗚嗚青天自高雲自孤

番易周節士歌

周君生長番君里長身侯侯鬚仍美師張先生業孔氏  
夏螢冬雪頻繼畧先生愛君不厭黻君謂先生我知己

遭時戰伐多瘡痍賊衆乘之作姦軌郡檄先生俾一洗  
先生慷慨爲之起曰彼蚩蚩聚蜂蟻堯渠本我家奴爾  
我將答之用折箠披其角毛脫距背奴挾兵來速如鬼  
反噬其主先生死先生諸子俱幼稚周君聞之失箸七  
曰古復讐蓋有禮師長之讐視兄弟我今必也書于士  
走告郡府伏以俟府公義之弗敢止授以及折與弧矢  
或云彼衆我無幾盍募援兵爲表裏君奮不顧行益駛  
賈勇直前無與比賊窮擲金計何詭得金失賊墮其餌  
亟取貪夫尸諸市士氣復振賊乃靡追奔逐北劇賊壘  
迅雷不及掩其耳一柵旣覆衆柵毀生致賊奴泊妻子

刊其心肺獻俎几告于先生辭豐豐凱旋公庭旗旂旄  
散遣部伍歸耘耔天戈耀曰方南指郡將效死弗拜跪  
周君堂堂衆所恃人咸謂君今可仕細書降表僅尺紙  
大哉公侯小刺史君言我本不獲已出為吾師刷讎耻  
罪人已得賊已弭東村西落無荆杞不義富貴寧飲水  
公母多談且休矣閉門高卧肉生脾白駒空谷餘四紀  
歿葬金潭有廟祀鄉人歲時擊羊豕子暎來與胄子齒  
踵門泣涕言如此嗟君壯節甚竒偉播茲歌詩侑哀誄

送李憲使赴燕南分題得鳥飛曲

臺中樹枝上鳥無數當年元只為公來今日從公却飛  
去趙北際燕南垂道傍綠樹多好枝公之所憇鳥所依  
公母亟行鳥勿飛問公此去何時歸上林春深樹如織  
公歸但聽鳥消息

贈夏德頌

夏君懷抱何磊落卜居不肯依城郭丙舍新開近墓田  
雪柏霜松翳丘壑一朝興來不可遏萬里黃塵走京洛  
叩門遺我尺素書儷玉駢珠相照灼為言家世本臞儒  
餘力惟知事畊鑿窮年甘與鹿豕遊敢希鴻鵠翔寥廓  
祗今遠來亦有意求詩元不求官爵華星秋月幸分輝  
持向山家慰蕭索我聞君言重太息感君望我殊不薄

清時雜選富才彥，管鳳鞭鸞趨館閣。揮毫成風墨成雨，  
瑞錦披張分製作。一言引重力千鈞，青雲驥尾端堪託。  
顧我少為句讀師，掇拾殘編味糟粕。坐隅童子日叟叟，  
平生雅意渾銷鑠。奚暇清吟發天巧，剪紅刻紫供朝譌。  
君歸卉木尚餘春，況值新篁初解籜。傳家有書故可讀，  
有石可眠泉可酌。大勝山人來索價，低頭欲就微官縛。  
我雖齷齪坐無氈，有客如此良不惡。戲拈筆管和竈煤，  
爲君聊賦山中樂。

風樹陰為李生作

返照入深林，牛羊在丘隴。風吹白楊樹，葉葉各自動。如

何當此時，孤子萬里歸。有琴未成聲，遽欲絃吾詩。吾懶  
言詩，子姑去抱琴聽。子風中樹。

題錢舜舉畫

鳥雀鷹鷂皆羽族，強之食乃弱之肉。兩雀亦分弱與強，  
一遭搏噬一高翔。畫師描貌勞意匠，詩人見畫齊惆悵。  
人間萬事無不然，雞蟲得失安足言。

題李氏白石山房

名山秀出鄱江曲，上有立石如立玉。尚書履聲忽已遠，  
隱者新居在盤谷。花開鳥鳴春畫求，白雲重重養喬木。  
夫君亦復稱其家，有書能藏且能讀。露鈔雪纂久愈富，

何啻鄴侯三萬軸山靈翕霍謹呵護夜半虹光發深屋  
引泉天井助芳潤大勝吳儂飲山淥我欲從之不可到  
細字長書俄滿幅毫分縷析極根抵大義森然見條目  
鄙人媿莫知所對叩請安得留更僕頗聞石洞閱遺音  
龍門餘韻須君續臨風傾誄寄綢繆衰朽終期挹膏馥  
題張清夫心遠堂

吾聞古來賢達士不擇山林與朝市百年塵甕兩醯雞  
鵬鷃逍遙俱可爾夫君平生瀟洒意俯睨軒裳猶弊屣  
翩然一舸鱸魚鄉歸來不待秋風起忘言兀兀坐終日  
天地古今齊一指但見山高湖水深青螺蕩漾銀盃裏

柴桑之人去我久風味何妨略相似神交冥漠雲海長  
目送歸鴻眇千里

題醉歌圖

翰林主人天上来布帆不爲鱸魚開江湖渺渺天一色  
朝光暮色相徘徊昔賢心賞餘勝處祗有水竹無亭臺  
碑材久已沒荆棘屐齒不復留莓苔後來視今猶視昔  
今我不樂胡爲哉太官馬漣遠莫致鄰翁綠蟻淨新醅  
欣然一飲便終夕鼻端氣息如雲雷是間別有一天地  
不知何處爲蓬萊迴觀方內海一粟醯雞塵甕何喧豨  
黃冠秘監太狂態騎鯨供奉非仙才揮毫政要真學士

鋒車流水行相催。瑤池曲宴多雨露。歸歟酌彼黃金壘。

七言律詩

送孫君文判官

笑語匆匆似夢中。衣裳俄復判西風。殘蟬落日那堪別。  
瘦馬長途喜未窮。歲事已空南畝稼。歸期應老故山桐。  
興來尚有平生棹。載酒何時覓釣翁。

感舊

華屋山丘不可期。峴峯依舊綠參差。空懷下榻延徐孺。  
無復乘舟訪戴逵。日暮更聞隣舍笛。歲寒賴有角弓詩。  
舊遊寂寞成今古。冷石秋花處處悲。

鳳凰山

滄海桑田事渺茫。行逢遺老色淒涼。爲言故國遊麋鹿。  
漫指空山號鳳凰。春盡綠莎迷贊道。雨多蒼薺上宮牆。  
遙知汴水東流畔。更有平蕪與夕陽。

開元宮

誰使藏舟一夕移。紅樓翠幕未全非。曾聞帝子乘鸞去。  
疑有仙人化鶴歸。煙逕月明瑤草歇。石壇露冷碧桃稀。  
赤闌橋畔多時立。閑看楊花作雪飛。

早起

漠漠晴簷散薄雲。獨搔短髮立清晨。春風入樹無行迹。

曉月窺簾欲近人。旋覺新吟隨夢寐。不知清霧濕衣巾。  
何人正踏長安陌。想見看花拂面塵。

寄陳君采

江淹文采碧雲消。潘岳才華玉樹彫。後爾千年開捷鑰。  
森然作者見風標。琪花夕日輝相並。金匱名山路未遙。  
賸欲傾心數還往。高期無使竟蕭條。

次韻答吳正傳

諸老彫零半九原。後來英發見蒼然。高標能復居人下。  
緩步猶須出我前。天馬爲誰生月窟。仙禽有日到芝田。  
論心待取同傾蓋。可使空回雪夜船。

寄葉審言

千里相思黃葉初。喜傳消息慰離居。姓名漫入山公啓。  
懷袖元無賈誼書。已分畊芸供賦歛。胡令汲引到樵漁。  
臨岐躑躅頻回首。風雨蕭蕭鴈正踈。

獨立

數盡飛花一愴然。壯心迢遞夕雲邊。十年人事空流水。  
二月風光已杜鵑。過眼青春寧復得。汚人黃土絕堪憐。  
故園尚有平生約。可使蒼苔到石田。

即事

南陌東阡草色齊。惜惜門卷客來稀。受風燕子輕相逐。

著雨揚花濕更飛。綠樹無言春又盡。紅塵如霧手頻揮。  
浮生莽莽吾何計。獨立看雲竟落暉。

予與劉君師曾爲文字交十有四年而固未嘗相  
識也茲過武林偶遂良覲有喜而賦

邂逅神交十載餘。青楓落月幾愁予。何言此日同傾蓋。  
勝讀平生未見書。天上玉堂容可到。山中金匱得長虛。  
故多餘事宜商略。可待秋風怨索居。

九日

獨立憑高發興新。霜清露白復佳辰。綠樽照眼不解醉。  
黃花滿頭應笑人。樽邊老僧幽期失。巖南故人新句頻。  
秋天此日併回首。鵝鴈寄書愁未因。

次韻山南先生遣興二首

稍覺春風入剪裁。更無魂夢到塵埃。苔枝自送黃昏影。  
寶篆頻銷白晝灰。世態漸應隨日別。老懷可復向人開。  
擁爐坐聽蕭蕭雪。載酒携琴也莫來。

蒲團兀坐久忘機。何暇重尋是與非。老鴈長雲天渺渺。  
晚花寒蝶思依依。起看丹竈春無恙。欲試青鞋雪未晞。  
鵬鷗逍遙端可耳。玉堂何必媿柴扉。

寄仇仁父先生

一官十載尚沉淪。門巷蕭蕭白屋貧。自有陶公爲社友。



從呼杜老作詩人兒曹故復輕前輩  
誰當出後塵  
招隱詩成無處寄  
莫雲凝碧坐愁神

寄朱十八丈判官

金榜淒涼已十年  
風流文采故依然  
香山老去誰同社  
栗里歸來尚有田  
懷古坐看西日落  
得春寧問北枝偏  
清泉白石多深趣  
千載心期入近篇

寄朱仲山

異縣關心朔鴈飛  
酒燈棋雨計頻違  
寄書全覺嵇康懶  
入夢多疑李白非  
黃葉閉門方寂寂  
碧雲回首故依依  
相逢賴有梅花約  
試踏東風走翠微

寄友人

繫舟一別雲水鄉  
暮川葭菼空蒼蒼  
漳濱卧病它年憶  
渭北題詩春日長  
蕪菁作花已爛熳  
楊柳飛絮苦顛狂  
聞道茯苓已堪斲  
遲子青鞋經澗岡

夏日漫書

枕上初殘柏子香  
鳥聲簾外已斜陽  
碧山過雨晴逾好  
綠樹無風晚自涼  
芳歲背人成荏苒  
好詩和夢落蒼茫  
求羊何不來三徑  
門掩殘書滿石床

逢葉伯幾

水煙沙雨送歸航  
楓葉蘆花已十霜  
瑤曲天風春夢遠

墨池秋草故遊荒。碧峰又是新迴鴈。白石依然舊化羊。  
一笑相逢却成別。暮雲千里思茫茫。

宿賈氏山房

暝色蒼茫赴遠岑。獨追燈火下荒尋。寒沙細水通幽徑。  
脩竹高楠走翠陰。草草悲歡中夜語。悠悠醒醉百年心。  
石霜煙月寒無寐。坐聽疎鐘出二林。

送友人之京

偶緣送遠接清遊。煙雨東城晚樹幽。離別自應多感慨。  
笑談未害各風流。百年芳草頻頻合。萬事孤雲故故浮。  
大華黃河入回首。春風愁絕李膺舟。

答友人

芝掌峯前一盃酒。別離歲晚迺相望。野梅如雪遙入眼。  
曉鴈連天寒。叫霜閉門窮巷。燈火冷。回首蒼山雲樹長。  
幾時抱被却同宿。愧爾詩筒遠送將。

憶友人

無復高談慰索居。壯心零落竟何如。人間漫有金臺夢。  
身後誰傳玉枕書。半畝蒼苔埋壁地。一聲白雪斷絃初。  
芙蓉峯下聞吹笛。淚滴春天草木踈。

哭李無逸

青春未受二毛侵。談笑俄聞變古今。千日却醒徒有望。

九原莫作遂何心。平生欠荷劉伶鍾。此夜誰彈子敬琴。  
水樂亭西煙草碧。舊遊回首重沾襟。

過烏傷墓

丹青像設始何年。翁仲遺墟自古傳。時有北人來下馬。  
不知秦樹幾啼鶻。牧童解指看碑路。野衲分畊祭墓田。  
回首長安西日外。茂陵松柏正蒼煙。

雜興三首

昔從六客堂前客。共買何山渡口船。杉松夾道得古寺。  
風雨漫山連杜鵑。憶別老僧如昨日。待分幽事及他年。  
春江正綠不能去。勝踐蕭條祇可憐。

擬作送春詩。出戶春風去不知。葉底孤花猶入眼。  
竹根穉筍欲過眉。久拋書卷都如夢。閑看香煙偶似癡。  
寄語平生張仲蔚。一歡相屬竟何期。

劉生去條相如器。朱子新裁賈誼書。百代風流今視昔。  
十年懷抱我憐渠。故應曾對談諧樂也。復能容禮法踈。  
風雨蕭蕭守環堵。祇今可望故人車。

山中夜歸

漫山松葉行。逕迷獨穿箏。确幽步。逕驚風。低草山虎過。  
寒月掛樹天。星垂泉鳴荒冢夜。牢落露洗青林光。陸離  
茅簷抱膝者誰子。歌闕飯牛聲正悲。

旅夜

歷歷飛螢度眼明，獨攬高枕數殘更。薄遊已倦新彈鋏，  
舊業猶餘未棄檠。一雨送晴初月色，百蟲專夜故秋聲。  
情知三十非年少，已覺人間有後生。

三月三日西湖舟中

黃塵奔走媿平生，對客猶稱舊姓名。此事正堪三大息，  
祇今忍負四難并。放舟乍落空濠境，送酒元無窈窕聲。  
金谷蘭亭嗟已矣，不妨時暫濯吾纓。

金陵天津橋

五雲零落渺天涯，陳迹蒼茫日自斜。畫角已吹邊塞曲，  
紅藍新長內園花。可憐遺老埋黃壤，曾倚春風望翠華。  
好在北山猿與鶴，依然同住舊煙霞。

送人歸豫章

已覺棲遲懶曳裾，可能為我強躊躇。一帆秋色紅塵外，  
千里江關白鴈初。建業水清誰共飲，潯陽潮斷定無書。  
黃金未盡朱顏在，莫種桃花學隱居。

哭陳茂鄉

多病文園鬢未霜，可人風味故難忘。豈期夜壑舟無定，  
竟使春天草不芳。賣藥幾時來海上，遺文須我訪襄陽。  
誰憐後死仍漂泊，雲白山青自故鄉。

宣城客中偶書

眼看春霄擁勝流，漂零回首媿沙鷗。  
黃塵烏帽知誰爲，白飯青芻復此留。  
未必嵇康能作吏，何妨李廣不封侯。  
敬亭雲鳥知無恙，款段惟須逐俊遊。

梳頭得白髮

偶逐飛雲別礪岡，解纓聊爾濯滄浪。  
襟懷久已無山水，容鬢誰令有雪霜。  
未必丹砂真却老，可須白首更爲郎。  
前脩未遠斯文在，努力無愁岐路長。

送韶父先生遊京口

不到南徐二十春，好將夢寐弔遺民。  
也知往事如流水，祇想重來是後身。  
棹響官河風色暮，雲離野服鬢毛新。  
舊遊偶失扶桑路，煩向滄江一問津。

山南先生挽詩

仰驚喬嶽失嶙峋，千載風流可復聞。  
鼎有丹砂輕縣令，囊無蒼筤託將軍。  
苧袍歲月孤青簡，石室文章閔白雲。  
淚盡侯芭悲獨立，短衣高馬祗紛紛。

喜方韶父先生至兼懷山南先生

夢覺秋宵失薜蘿，尚煩青簡慰蹉跎。  
山中舊別期猶在，歲晚相逢感易多。  
華表神仙成寂寞，靈光風雨見嵯峩。  
百年珍重斯文寄，跼足脩程可柰何。

韶父先生有詩復次韻以和

兩翁故復可憐人，傾蓋長安四十春。  
華屋山丘如隔日，夜床風雨得彌旬。  
書籤藥裹仍仍在，橘刺藤梢一一新。  
漫寫餘哀寄冥漠，大荒誰見下麒麟。

寄張如心

謬羨侏儒飽一囊，舊遊搔首獨淒涼。  
連天斷鴈初沈日，匝地寒花欲有霜。  
聞道爲郎須白髮，未殊高枕待黃梁。  
紅顏好在張公子，坐聽松風春晝長。

送王傅朋靜江教授二首

丞相威名震百蠻，蕭條異代得吾賢。  
宦遊忽過三湘去，家學應令四海傳。  
北望犬牙連上國，夜占鷓尾直中天。  
炎風朔雪皆王土，未覺青春雨露偏。  
碧蓮峰下駐飛驂，風土遙知久自諳。  
會有新書裨禹貢，坐聞舊俗化周南。  
深篁盡日迷山鬼，毒草無時起瘴嵐。  
珍重斯文強食飯，漫誇丹荔與黃甘。

送揚州傅學正

全淮控制列城遙，尚想青春虎豹驕。  
一日江山走珠玉，萬家燈火沸笙簫。  
喜逢才俊登文署，好頌升平答聖朝。  
芍藥瓊花兒女事，可緣風月逗華鏢。

余山

春雲牢落鴈無聲沙岸參差石有稜雙屐漫窮芳草逕  
一龕長愧白頭僧晴濤閃閃翻孤日山木昏昏卷翠藤  
後夜清風蒲遙念夢遊空指上方燈

龍潭山

二仄清江照眼明避風舟楫滿迴汀斷雲挾雨時時黑  
密葉藏花樹樹青習隱未成陶令賦行歌聊共屈原醒  
碧潭光景無消息坐看魚兒點翠萍

遣興

青雲如夢慨平生白髮驚春忽數莖漸覺交遊隨日別  
強知顏色逐人行百年松檟誰能去五畝煙霞故可耕  
妾念掃除潭欲盡少游何得尚相輕

次韻方子踐觀潮

潮生潮落有時休朝暮吳兒幾白頭被髮祇誇迎駭浪  
側身寧解障奔流江吹碧瓦人聲曉雲閃朱旗海氣秋  
後夜月明天在水有誰能此試登樓

次韻子踐秋社歸巖南

久悟清都是夢中未嫌短褐任飛蓬時情冉冉心如醉  
世議紛紛耳欲聾會種扮榆依漢社共談禾稼續幽風  
蹉跎偶負平生約已復人間歲一終

杭州寄里中一二同志

故山有路去無從。燈火關心夢不通。浪走紅塵真自笑。  
舊遊白社竟誰同。宵中好貯千巖秀。眼底徐觀萬馬空。  
風雨未休鴻鴈斷。此懷渺渺故難窮。

客樓雨中

江城飄泊動經年。盡日高樓閱過船。睡起小窓初聽雨。  
岸旁垂柳已生煙。坐拋歲月今如此。每望雲山欲泫然。  
尚喜游從得諸彥。時將樂事寄新篇。

次韻答蔣春卿

不謂紅塵拂面時。軒然談笑一舒眉。晴風石鼎浮花乳。  
夜雨春盤冷碧絲。握手遽成三宿戀。論心那覺十年遲。

漁網歸無計。未必山前白鷺知。

送楊山長歸錢唐

百里鄉心海鷗飛。三年官况野鷗知。兒童早已占歸信。  
第子應能頌去思。茅屋荒田春草草。杏花深巷雨絲絲。  
人生適意須行樂。駟馬高車恐未遲。

章德懋同登車蓋山

城南日日望蘇灣。碧樹童童蓋一山。何意茲辰成邂逅。  
與君携手共躋攀。鉤衣亂石通高步。着面和風啓醉顏。  
尚愛銘碑多楷則。俗書且勿闢妖嬾。

重遊毗山



載重來思惘然勝遊邂逅一開顏高林有色煙雲淨  
幽逕無香草樹閑漫遣金樽催白日絕憐紅粉浣青山  
南朝舊迹今誰記腸斷風流不可攀

湖州遇葉士心因寄郭祥卿架閣

謝公城下蹋春暉最憶東園夜不歸落月清樽波漱漱  
高花銀燭霧霏霏未愁強醉羅衣濕政恐重來燕麥稀  
大地風濤竟如料九霄一鵠看橫飛

大卿牟公挽詩二首

雲光一夕失崔嵬多士相逢淚雨推夾道共看丹旆去  
遺民猶憶繡衣來蕭蕭悲吹蘋花冷渺渺鄉山杜宇哀  
哭盡貞元舊朝士臨岐無語重徘徊  
後生無復望儀刑青史徒煩列姓名窮有遺文成鉅冢  
死無新爵上銘旌瓜田方任蓬蒿沒玉樹偏依雨露生  
舊笏滿床知未墜翰林風月向來清

次韻牟主簿南湖客中

遙望仙槁度碧湖翩然高興不枝梧也知白髮行相待  
無柰青山不受呼過眼光風殊獵獵霑衣多露已塗塗  
相逢幸及南枝好一笑聊須引百壺

次韻姚子敬教授筠菴別業

故園煙樹渺江關長愧求閑未得閑客路獨愁黃葉下

高人正在白雲間。卜隣儻遂容依止。載酒終期共往還。  
未害看山仍拄笏。一竿付我釣滄灣。

次韻別程晉輔教授

落拓江湖久不歸。相逢還及試春衣。忽聞煙際蘭橈動。  
誰共花前玉笋飛。青眼故多知己在。黑頭未覺壯心違。  
赤霄孔翠吾何望。嗟嗟隣雞爾自肥。

花信

已覺尋芳去較遲。千林紅紫想紛披。幾經夜雨能無恙。  
試問春風竟不知。斜日游蜂應有夢。野亭立馬已多時。  
殷勤却是江南客。曾擘冰霜寄一枝。

草意

澹煙斜照舊離離。吐漫芳心欲向誰。可是忘憂能自得。  
若教指佞定無私。東風江上何人識。南國春來有夢知。  
留取青青承雨露。未應紅紫浪相疑。

闕下口號

適駿先猷在。作人忝陪多。士奉明綸端。闈乍啓清光近。  
臚句高傳茂典新。奎壁照臨回景運。風雷鼓舞契昌辰。  
不才何以酬天造。徒詠菁莪樂至仁。

賜第後歸謁郡府承為置宴口號

拜賜纔霑雨露香。又驚盛典出黃堂。鳴騶合遯迂十騎。

坐席雍容累百觴他日同鄉脩故事不才終古被餘光  
承宣得意逢明牧諸彥能無共激揚

郡廳宴集之明日鄉先生復爲置酒重述口號

去年此日宴瓊林雨露光華映古今稱慶謬承賓禮重  
徽榮彌覺主恩深少須天詔從容至坐看宮花取次簪  
千載斯文寄來哲可應外物累初心

北山歸路呈古心師兼簡方外諸友

尋幽偶向靈源宿却過雲關望翠微初日映空千樹立  
驚風遶磻百泉飛舊題歲月人頻異乍別烟霞路易非  
幸有潘郎遺事在何時一鉢去如歸

喜趙繼道至有懷陳君采

匆匆聚散定何常耿耿心期故未忘草木關情人事異  
雲霄迴首路岐長交游歷落銀河隔製作紛綸瑞錦張  
為語何時共傾倒秋床風露已生涼

寄曹子訥千壽道二同年

憶同鵠立遙天關清漏無聲虎豹閑黃榜未開齊聖拜  
紫衣高唱遽分班已驚恩出尋常表更羨身居季孟間  
海國鄰疆幸無遠可容接武向蓬山

寄別宋推官

目斷仙帆去莫從翩然心逐北飛鴻未忘綠幕追遊盛

况忝黃堂禮數崇南國幾人歌召伯漢廷有日相于公  
悠悠聚散何堪計趨走終期出下風

送姜學錄

短褐蕭條兩鬢蒼逢人猶解說春坊雲霄有路新推轂  
風月傳家舊佩囊此去官曹雖冷落不妨門戶暫輝光  
况聞寮友多華胄休暇過從樂未決

送鹽官傅都目

春風匹馬去翩翩老佐名州鬢未班遙數驛程知到日  
坐令官府靜如山河塘燈火機聲裏墟落鹽烟海氣間  
歷歷舊遊如夢寐可容乘一追攀

送賁教授致仕歸里

宦情鄉思兩依依獨裹寒氈去若飛歲晏忍為千里別  
林間驚見一人歸官河遠樹迎仙棹夕日暄風颺綵衣  
漫使臨歧生長望可容泉石借餘輝

陳山晚泊

一柱孤撐杳靄間人言此是客星山流風百世今誰嗣  
應詔諸生故未還荒冢草深迂石路高齋月滿闕松關  
窮年漫迹滄江上及此維舟獨厚顏

送三高祠陸主奉

垂虹古祠煙樹新昔賢高致久無聞畫圖想像空陳迹

譜謀流傳喜到君春水白鷗分座席寒泉秋菊薦爐熏  
臨歧何限滄洲意目斷風帆天際雲

送陳推官之信州

三朝兩世掌絲綸異代仍瞻玉樹新尚喜傳家餘宦譜  
又聞議獄用儒臣中年離別情何限南渡風流迹未陳  
遙想郡齋多暇日肯憐州縣正勞人

送胡古愚兼簡道傳博士

坐擁臯比十載餘忽聞飛鶚上公車此行未可輕投筆  
隨處猶須小曳裾燈火尚慙餘事在雲霄轉覺故人踈  
爲言留滯今頭白無用諸公薦子虛

送淮海書院丘山長

遙望官河駐綵橈春深絳帳不蕭條已驚雨露恩光厚  
還喜山川物色饒盡日樓臺人載酒隔江燈火夜吹簫  
定知館下多才彥政樂風雩對一瓢

留別錢翼之

矯首清標二十霜白頭傾蓋鄭公鄉忘形肯厭追遊數  
借潤頻飛翰墨香世態浮雲看不定別情流水去方長  
杏花時節霏霏雨誰共春風舉一觴

諸暨休日偶書

一室蕭然似冷官更無車馬駐江干天清不斷絲絲雨

春淺猶生陣陣寒。公事痴兒何日了。雲山圖畫要人看。  
輕風正滿微黃柳。誰與相從試凭欄。

湖心寺夜坐

蕭蕭涼月滿池臺。水檻風櫺四面開。一柱殘燈何熠燿。  
半簷衰柳故崔嵬。謬持微禄知無補。未謝餘緣得重來。  
塵土馬蹄何日事。可容良夜廢銜杯。

次韻答徐文蔚

一別溪頭十五春。歸來烏帽尚黃塵。故應用意崎嶇外。  
未忍忘情寂寞濱。圖畫雲臺非我事。掛冠神武獨何人。  
也知州縣徒勞耳。相見空慙白髮新。

送顧仁甫上計京師

憶昔曾隨計吏行。浮湛州縣竟何成。涼風嫋嫋仙舟去。  
夕日依依魏闕情。金匱故歲多鉅典。石渠高論盡鴻生。  
棲身朱墨非君事。早晚公車上姓名。

送沙彥文架閣分題得西山

憶昔寒江破浪歸。西山迴首落烟霏。忍逢朝士登舟去。  
如望仙人拔宅飛。游戲何妨依綠水。追趨早已到黃扉。  
公餘若過滕王閣。為捲朱簾挹翠微。

題金明宴遊圖

危樓縹緲碧波中。曲檻方櫺面面通。雲氣傍花如欲雨。

柳絲垂地不驚風  
千年華表人非是  
九奏鈞天樂未終  
更有殘山并剝水  
煩君迴首六橋東

上巖寺訪一公

曉色微茫尚帶星  
脩蹊犖确斷人行  
獨支瘦竹身猶健  
高入重雲地忽平  
落月正當山缺處  
細泉頻作雨來聲  
上方燈火青林曲  
隱隱疎鐘一再鳴

寄題高遠樓

聞道危樓架沈寥  
樓前物色不蕭條  
窓臨謝傅祠邊樹  
門對曹娥渡口潮  
解使詩人爭應接  
也知老子極風標  
倦游已忘山陰路  
勝淺仍須折簡招

題東柯谷圖

長松密竹翠交加  
洞府新開碧海涯  
石上仙人留足跡  
春深礪水出桃花  
流傳圖畫來千里  
生長兒孫只一家  
目斷飛鴻那可到  
舊遊空指赤城霞

聞趙繼清調安陸縣尹

慈恩塔上墨猶鮮  
一別重來十七年  
相見都門驚判袂  
又聞澤國去鳴絃  
素衣久出風塵外  
青瑣行依雨露邊  
歧馬望君先數日  
縣花雖好莫留連

送畢縣尹

歸途環佩曉珊珊  
白日青天映羽翰  
疑是省親辭太學

驚聞出宰用郎官花迎墨綬春光暮風引仙舟海色寒  
想見捧觴仍綵戲鄉人爭作錦衣看

題雪竇妙高臺

偶為清遊宿梵宮凌晨試上最高峯水翻雪色寒猶落  
雲掩丹光遠更重舊有一僧能跨虎近聞三洞盡藏龍  
下方車馬應難到烟際唯聽日暮鐘

題觀海圖

昔年解纜岑江上初日團團水底紅鼉吼忽搖千尺浪  
鷁飛仍挾半帆風遙看島嶼如星散祇謂神仙有路通  
及此棲身萬人海舊游却在畫圖中

次韻題劉氏石鐘精舍

佳城杳杳隔千峰精舍寥寥一徑通夜靜寒泉猶映月  
秋深老樹不驚風舊題尚喜苔碑在高卧無令蕙帳空  
我已倦游今白髮有山如此頂長終

送葉仲興巡檢

重著儒冠望帝鄉翩然一舸犯晨霜秋來鬢髮依前黑  
日射河流徹底黃此去乘槎須有路可容執戟更為郎  
絲綸閣下多知己握手應分滿袖香

和外舅主簿公自為挽詩

五十年前馬上飛青春如水去難追一從玉樹歌殘後



數到黃梁夢覺時  
李賀元無樓可記  
劉伶漫有鍾相隨  
少須海上蟠桃熟  
歸蓬仙班恐未遲

留別一公琳公

浪走紅塵鬢已絲  
此身端合老巖扉  
興來復舉山陰棹  
別去仍留海上衣  
夜聽泉聲如雨落  
晴看天末有雲歸  
浮萍飛絮何時定  
空使詩人賦式微

送趙繼清潮州推官

相國南遷有故居  
理官高選出新除  
承恩特與金魚袋  
訪舊爭迎駟馬車  
春入園扉庭草暗  
天低驛路嶺梅疎  
鳳池不隔同年面  
歸及梅花鴈影初

送傅汝礪之安南

南徼車書路不遙  
秋風使節下青霄  
頗聞僚佐登才彥  
應有文章達教條  
日照樓船江水活  
天低銅柱瘴雲消  
歸時嶺上梅花發  
想見詩囊未寂寥

送式公歸高麗

一錫凌空海上飛  
星河蕩漾宿雲披  
頗驚遼鶴歸來晚  
正值驪龍睡覺時  
百尺珊瑚無地種  
六花薝蔔任風吹  
高秋蘭若烟波外  
此樂應須久自知

題甯節婦詩卷

春旗柳色映門閭  
華扁新題節婦居  
作傳小裁青竹簡

疏封近降紫泥書河壩松柏風烟外階祀芝蘭雨露初  
三釜及親殊未晚花前何日奉安輿

送孔御史歸曲阜

清流共喜聚群賢新渥時聞下九天東觀紬書何日了  
中丞遺笏要人傳過家莫久依林廟封事先須徹御筵  
千載斯文寄來哲臨分握手重懸懸

送龍南歐陽縣尹

絲綸閣下半同袍獨上南船去莫招出宰不嫌官俸薄  
過家未覺驛程遙長溪白石晴雷轉深洞黃茅毒霧消  
想見行春有佳句坐令遠俗變風謠

送謝仲連小廉巡檢

而翁許史舊家聲遺子黃金不滿籬坐擁齋爐驚歲晏  
出乘邊障屬時清遊山定復多新句飲酒何妨得老兵  
媿我白頭官尚冷夜深仍對讀書檠

送烏編脩代祀海岳南鎮兼簡明善隱君

承明退直馬如龍將指祠庭禮數崇岳色非烟生近甸  
川靈藏器出幽宮周原共識皇華使禹穴誰陪大史公  
亦見安陽韓處士為言客鬢已秋蓬

贈黃資深

涼風蕭蕭吹敝裘三年小作周南留相逢傾蓋盡青眼

肯抱遺經空白頭  
捧微定知毛義喜  
著書非有虞卿愁  
春秋決事待公等  
莫戀寒氊成久遊

題張武定公死事詩卷後

古稱馬革裹尸還  
祇有空言世共傳  
一死如公良偉甚  
百年遺廟獨巍然  
要從身後觀餘烈  
試聽軍中奏凱還  
文武衣冠方迭起  
後先奕葉更綿綿

題王君冕同年芳潤亭

花縣歸來晝寂寥  
終南山翠湧亭皋  
林深未覺蘭蓀變  
天遠何妨雨露高  
此去漑根須食實  
誰分贖馥與殘膏  
行看小試揮毫手  
香霧霏霏滴鳳毛

題丁文苑同年哀詞後

負別瓊林雨露邊  
江湖目斷繡衣前  
禹門尚想龍初化  
滄海驚聞鶴已仙  
烈日秋霜空耿耿  
重山宿草正芊芊  
不才後死知何用  
坐對諸郎獨泫然

送尉彥誠道州經歷

一別垂垂四十年  
朔風吹鬢兩蒼然  
寒氊久坐歸何日  
上幕初登望若仙  
莫使催科書下考  
盛談名理繼前賢  
春生馬首逢迴鴈  
併寫相思入近篇

送陳季和

高齋燈火正蕭條  
忽遡天風上泐寒  
共喜彈冠如貢禹

豈期投筆學班超時清桴鼓元無用歲晚弓旌倘見招  
雪後江南春水活重來莫厭驛程遙

送陳君歸江西

咫尺清光近玉除姓名何不達公車也知賈傅今無策  
猶幸虞卿舊有書江上歸帆隨去鴈年來旅食厭騎驢  
諸公正索山人價能勿相招學隱居

送張良卿學士之淮南

坐厭流塵拂面紅行携涼月下青空三千里外揚州鶴  
四十年前御史驄先廟鐵衣猶挂壁兒郎玉帳已生風  
貞元朝士今無幾歸及花時一咲同

次韻蘇侍郎平村暮歸

中臺多暇獨儀曹退食歸來路不遙扶老未須蒼玉杖  
行春聊過赤闌橋揮毫風雨傾三峽聽履星辰接九霄  
媿我白頭方倚席敢將巴曲和仙韶

送尚子正理問

上相分臨控列州理官高選用儒流風生使節聲華舊  
地近台垣寵數優南土政平多暇日西山氣爽入新秋  
公餘若過滕王閣煩爲題詩在上頭

送蘇伯脩憲使

久參法從侍疑旒忽擁幃輶按列州太史山川皆熟路

淮南草木自生秋。遙瞻龍節辭中禁。尚想鼇峯接雋游。  
擣散鄭虔無所用。幸搜巖壑副旁求。

送王止善檢校

官無失政吏無私。鉤校寧煩事細微。遙想名曹多暇日。  
不妨高詠發清暉。潮生江上仙舟迥。春到湖邊驛使稀。  
送盡北來南去客。石田茅屋幾時歸。

送高唐李知州

來登延閣預時髦。出守名州領教條。已羨漢儒知吏事。  
要觀齊俗變風謠。雙旌前路方迢遞。八座家聲未寂寥。  
此去行須歸報政。鳴珂幾日造昕朝。

送傅汝礪廣州教授

耻學山人赴辟書。勇隨使者駕軺車。橫經久合居高座。  
上冢應須過舊廬。黑夜文星南斗外。青冥鵬路北風初。  
乘期莫落梅花後。待詔先生席正虛。

送劉遂初脩撰

近聞退直自承明。忽報楊鑣出鳳城。未老已嫌金帶重。  
暫歸不著繡衣行。故人尚作瀛州客。歲晚無忘魏闕情。  
臨別贈言聊復尔。誰能持酒勸公榮。

送于指揮歸密州

故山東望路何長。遠奉靈輜返壽藏。予告公朝存舊典。

疏封泉壤發幽光  
揔戎行復開油幕  
傑直仍須赴玉堂  
它日過家如上冢  
歲寒松柏正蒼蒼

書巢張君挽章

歲晚巢居寄一枝  
上林無樹可相依  
不隨葉縣飛鳧去  
竟作遼東化鶴歸  
架上牙籤書在否  
門前珠履客未稀  
春江如箭船如馬  
忍見舟旗颺落暉

題莫氏山莊圖

旋移小隱傍南峰  
遠有咸平處士風  
山態近人猶偃蹇  
湖光無雨亦空濛  
行春杖履時時到  
臨水軒窗面面通  
別作新亭供戲劇  
青帘摇曳杏花中

次韻伯雨臘月八日雪中同登來鶴亭

興來欲泛山陰雪  
不奈舟膠野水凝  
朝士白頭愁獨步  
仙人赤脚傲層冰  
招來盡是雞群鶴  
趨附空慙驥尾蝇  
夜久松龕同擁毳  
絕勝傑值有青綾

予與江陰何鼎叔鉉別三十六年乃相見於錢唐

感舊述情謾成四韻

月寒霜樹久相依  
春去風花各自飛  
遠信已隨潮水斷  
故交渾若曉星稀  
緋袍可戀知誰在  
青鏡頻看歎昨非  
正欲從君共傾倒  
莫言興盡便須歸

至大庚戌正月二十一日予與儒公禪師謁松瀑

真人于龍翔上方翰林鄧先生適至予爲賦詩四  
韻諸老皆屬和焉後三十一年是爲至元辛巳正  
月二十三日過伯雨尊師之貞居無外式公劉君  
衍卿不期而集輒追用前韻以紀一時之高會云  
廬山舊事誰能繼三十年前此會同偶爾共來今日雨  
蕭然猶有古人風坐深遙對花如霧興盡徐歸月在空  
仰止前脩那堪作聊追餘響託無窮

送內史府孫知事還京

春風味即雪初消野宿貔貅靜不驕綠水芙蓉分上幕  
青雲驃褭度輕輶龍庭會祭包茅貢豹尾宸居佩玉朝

下土微臣今老矣淹留敢望小山招

送史景扁

十年相望各天涯上幕新開鬢未華日出公庭來鴈鷺  
風生老筆動龍蛇蜀鄉路遠春多雨江國雲深樹有花  
若見君家彭澤令爲言且莫問桑麻

府判謝公挽章

換得朝衣不稱身勇辭新爵號遺民鍊成偃月爐中藥  
閱遍銅駝陌上人魯國靈光俄委地謝家玉樹正傷春  
忽聞鶯唱貞元曲衰涕能無灑石麟

六月十二日上京翰林開院喜雨院長開府公俾

爲詩以志之

雨色鰲峯長綠苔佳辰良會玉堂開涼生薰殿宸居近  
恩予官壺詔使來盡醉不愁騎馬滑新詩可待片雲催  
作霖正尔須公等行見文星入上台

安南遣使入朝用故事奉贄納謁于翰林其歸也  
上介黎括以贈言爲請賦詩四韻以遺之

上聖敷文格遠人外藩脩職用儒臣並馳使介踰丹徼  
特設朝班覲紫宸炎海計程歸路求都亭燕餞寵光新  
抵承德意勤宣布鼓舞爲魚詠至仁

送徐志尹赴安鄉縣尹

自爲從史直鑿坡幾見鄉山爛斧柯能事正宜參筆削  
借才聊復試弦歌屈原故國蘭都長陶令公田林最多  
應笑衰翁苦留滯汗青無日欲如何

送陳元達代祠補怛洛迦山

天下名山小白花鯨波帖帖度仙槎函香祕宇祈靈貺  
出節宸廷振使華殿榜舊誇韋誕筆錦衣重過買臣家  
相門喬木殊無恙萬古清風碧海涯

次韻答胡古愚博士

麻衣草坐老仙翁曾及清時侈際逢行殿曉趨閉豹尾  
禁林秋宴出馳峯休官尚想英遊並愛客何嫌異味重



况乃東陽山水窟主張風月有詩宗

送李師曾蔣仲善赴春官

憶隨飛鶚上秋天夢斷慈恩四十年及此鬢毛俱禿盡  
見君頭角共嶄然計偕已趣輶車動臚旬行聽衛士傳  
紫陌紅塵衣易化看花得意莫留連

六七言絕句

寒食舟中

東風溪水碧連連溪上青蘿獨繫船正是落花寒食夜  
水煙沙月又鳴鶻

哭御史王公十首

有人新自甬東來別後音書第一回欲問布帆無恙否  
豈知塵世隔蓬萊

被髮胡爲竟渡河由來魑魅喜人過不須待聽山陽笛  
一曲笙篴哀思多

早歲棲身擬鳳池桑田爲海已多時路人方爲乘驄止  
流水生涯遽可悲

玉堂政要謫仙人何意先成采石墳人物渺然時事異  
漫今平地有青雲

金昇原頭草未生兒郎俄已去騎鯨黃泉會有相逢處  
轉見人間母子情

掉頭東下苦匆匆徑挾群仙入貝宮眼底珊瑚高百尺  
釣竿吹折一絲風  
膠液中流事可歎海雲飛雨失青天陸郎地下驚相見  
應訝來遲二十年  
孤兒思父母憐兒忍見銘旌獨返時畢竟江魚與螻蟻  
世間何物最堪悲  
楚客猶疑刻劍痕秋風已到孟嘗門殘潮落月天涯夜  
剪紙誰招萬里魂  
天吳罔象正縱橫誰認鼇山頂上行海氣昏昏風雨惡  
夢中無路弔先生

金陵客中送友人歸里

青陽河畔杜鵑啼歸路如弦定不迷應到故山叢桂裏  
笑人騎馬學聽雞

有感二首

橘柚青黃照眼垂秋風籬落自紛披頗聞玉食登蠻果  
不獨涪州有荔枝

漢室需材拔隱淪鼓刀屠狗正求伸可憐風雪南山下  
未有它年射虎人

巢審言張子長同遊北山知者寺既歸復與子長  
至赤松由小桃源登煉子山謁二皇君祠回宿寶

積觀賦絕句十首

天風吹我度崢嶸  
春著千巒滃滃青  
紫陌紅塵寧有此  
十年空負北山靈

芙蓉峰下南朝寺  
水秀山明兩絕奇  
更向水窮山盡處  
一菴高貯碧雲師

却問仙山去幾程  
白雲如簇近相迎  
直須不脫登山屐  
行盡松聲與水聲

山中今是太平民  
尚與人間隔幾塵  
流水桃花三百曲  
莫教重誤武陵人

獨看飛花逐水紅  
不知身過亂雲東  
回頭旋覺峰巒別  
惟有青天面面同

雙鶴冲天歲月多  
至今香火壓差峩  
劉郎不是無兄弟  
奈此丹雞白犬何

坐愛春泉響翠微  
玉花吹濕薜蘿衣  
何人爲擘冰壺破  
共看青天白練飛

削立城心雙白塔  
幾疑日月費撐支  
一朝頓在闌干底  
始悟從來見處卑

遙憶仙華鶴髮翁  
清泉白石滿奇胷  
若爲此日千峯頂  
更試平生九節筇

一宿山中竟莫留  
可能長伴赤松遊  
殷勤好去張公子

休愛人間萬戶侯

避暑圖

一丘一壑古遺民十里清風不屬人  
閑對青山揮白羽世間何物是紅塵

圍棋圖

有客圍棋洞口歸天荒地老已多時  
人言此客殊癡絕畫裏看棋我更癡

陶學士驛舍圖

一笑相逢亦偶然浪將恩怨向人傳  
無端更被丹青污狼籍春風數百年

次韻章兄雨中

卧聽風水共喧喧起視青空白雨懸  
祗謂桑田可無恙不知江勢欲吞天

茫茫平陸一尺水瑟瑟涼飈五月秋  
莫謂天公無皂白誤將陰雨怨鳴鳩

故山回首杜鵑啼客舍誰憐寄一枝  
賴有四門章博士不緣風雨廢談詩

春盡餘寒去却回江天五月未聞雷  
南風祗在浮雲外彈折朱絃喚不來

草長故山懷獨往苔生今雨歎離居  
誰能共飲桃源酒

一醉千年不願餘

偈二首

久謂聲聞難作佛今知龍女解成男  
分明信有旁人分五十三身第一叅

息心無想成無記有見還同有相存  
不盡普賢殊勝行隨方願啓一城門

松江舟中偶書

二首

山房偶為故人留又領飛雲過別州  
白浪千花帆一葉茫茫天地此生浮

移舟夜泊華亭縣却聽吳歌思渺然  
最憶澱山湖北寺

十年州縣底及此望京華客路時時雨  
春江岸岸花方堪報國將老更浮家  
可得同携手山顛復水涯

逸句龍提舉之雲南

獨抱文章印驅車背朔風行歌萬里別  
聲教百蠻通列郡創殘後諸生色笑中  
誰當偕計吏封殖待新功

題天童疊秀軒

名山標巨剎樓閣在青冥別路通禪窟  
當軒列翠屏暝禽多雪色偃樹盡龍形  
負土新成塔非才愧勒銘

登酉四月同子長至赤松子長先去遂  
獨宿智者之草堂已而子長與正傳俱來  
同出靈源詣鹿田

遊三洞遠過山橋至潛岳謁故中書舍人潘公之  
墓復廻智者而別

昔共張公子翩翩訪赤松重來經兩紀獨去宿孤峯古  
木蒼波歿禪房側徑通夕陰千嶂黑人靜一燈紅幸及  
軒車會寧辭杖履從相看如夢寐健走愧兒童春盡山  
仍好林深磻忽窮天低時墮雨寺遠但聞鍾弟古田無  
鹿探竒洞有龍幽尋穿窅窳高步踏玲瓏靈草多成藥  
踈篁不作叢嵐光凝曉曖野色在空濛下瞰疑無底言  
旋復向東巖阿棲斷礎烟外落飛淙細路緣苔磴危橋  
跨石拱泉依山曲曲雲與樹重重巨剎縛名岳穹垣誰

猶及西山半夜秋

題李阜畫馬

平沙如雪草如烟想見春風士馬閑玉勒錦韉塵土化  
畫圖流落尚人間

水僊圖

脩脩翠羽映鳴璫誰遣乘風過我傍歲晏高堂空四壁  
一簾烟雨夢瀟湘

石節婦詩

伯也南征去不歸舅姑長慟小兒悲元戎奏徹鏡歌曲  
來聽完州節婦詩

宣和畫木石

石邊古木尚青枝地老天荒石不知故國小臣誰在者  
蒼梧落照不成悲

題高公畫竹木

木葉蕭蕭半欲空竹竿裊裊不成叢絕憐意匠經營處  
都在風烟慘澹中

山水圖

老樹無陰石有稜亂山高下白雲層夢中猶識江南路  
惟恨舟人喚不應

海月圖

夜半潮音洞海闊天高月正中坐對畫圖如夢寐  
六街塵土盡濛濛

送許參政歸武昌別業

九衢蕩蕩綠槐風旌旆搖搖馬首東惆悵鳳凰池上客  
青天萬里一冥鴻

待漏東華霜滿靴掛冠神武意如何也知久歷中書考  
若比汾陽恐未多

氈筆書題墨尚新杏花零落故園春一從今日公歸後  
身到黃扉復幾人

曉日都門祖帳開路人嘖嘖歎賢哉東風無限新桃李

不敢煩公手自栽

片雲為雨出山時群物欣欣各自私收歛神功去無迹

尋常草木竟何知

住近韓家畫錦堂不將牙纛詫同鄉翻嫌相國歸來日

腰下猶懸太守章

白袍鵠立漫紛紛遙聽車音共候門相見唯須飲醇酒

看山看水坐忘言

南游聊食武昌魚莫學騷人賦卜居天子若思真漢相

可云吾亦愛吾廬

五才人間富貴年山中道士早求仙石田茅屋歸無計

終絕燈前老鄭虔

龍門尚想舊同遊藥籠深漸晚見收新築沙堤却何日

欲歸且復為公留

飲後示陳生

歲終博士不趨遷便腹先生醉欲眠匡鼎若來猶自可

後堂無處著彭宣

題金德原所藏元暉小景

床頭書畫正縱橫忽值今朝醉眼醒起向米家船上看

青山元是舊儀刑

題洪崖出遊圖





原件短缺

49-50

靈仙飛化事難言  
驢背春風度市門  
不到人間今已久  
多應醉卧古藤根

贈寫真

自是清時翰墨流  
水林下莫淹留  
漢皇正在麒麟閣  
欲畫將軍博陸侯

送傅梅溪遷任福州

往歲從君直禁林  
相於道義最情深  
公車承詔莊行日  
莫怪頻頻酒屢斟

題王南谷大夫自作墨梅詩送傅君時教授南歸  
何遜揚州跡未陳  
染衣不是洛城塵  
豪端一綫陽和力

秋風灑水莫瀟瀟

東陽縣西道中

柿葉成陰綠滿村  
桐花覆地草連雲  
百年舊事無人記  
猶指前朝御史墳

壬辰春三月遊左溪癸巳春三月遊天宮有感而賦

頻年謁拜祖師庭  
祇有山光與水聲  
尚想玄珠密相付  
免令我慢肆譏評

重刊黃文獻公文集卷之二

承令如...

其平論其百...

左

王...

前...

...

東...

...



